



宛陵先生文集目錄卷第四十六

和許待制春雪

送廣西潘提刑

大明寺平山堂

和王平甫見寄

和丁元珍見寄

王學士寄車螯

席上賦紅梅

平山堂雜言

自感

和河上寫望

和試筆偶書

和民朝謁建隆寺

和許待制宴賓

和許待制偶書

闡思

代寄王學士

和許待制病起偶書

依韻和新裁竹

和戲題

和春日偶書

和禁煙近事之什

和春日見示

和偶書相留

讀邵不疑卷

送寧鄉令張沆

和許待制送行

和不疑見荅

贈張伯益

和不疑烹茶觀畫

和不疑冷淘會

獨酌偶作

荅杜挺之遺鱸魚乾

目錄終

宛陵先生文集卷第四十六

依韻和許待制春雪

密雪犯陽和寒階覆短莎條牙推不展鳥舌噤應

多變今已為失易消如未苛桃花禹門水早晚見

通波

送廣西提刑潘比部

伯恭

白麻新拜大丞相黃紙首除南省郎欲使平刑安

遠俗莫辭乘傳歷炎荒桂林地險通椎髻陽朔峯

奇削劍鋌自有王門舊勲業且須稀作上書囊

大明寺平山堂

陸羽烹茶處為堂備宴娛岡形來自蜀山色去連
吳毫髮開明鏡陰晴改畫圖翰林能憶否此景大
梁無

依韻和王平甫見寄

尊王興霸國古莫重齊桓仲尼書大法亦莫重更
端文章華浮澆近世無如韓健筆走霹靂龍蛇奮
潛蟠颶風何端倪鼓蕩巨浸瀾明珠及百怪容畜
知曠寬其後漸衰微餘蘖猶未彈我朝三四公合
力興憤歎幸時構明堂願為楹與欂期琢宗廟器
願備次玉珎謝公唱西都予預歐尹觀乃復元和

盛一變誰為難行將三十載衣被劇織紉後生喜
成功往往舞朱干君家兄弟賢挺拔尤堅完譬彼
登泰山孰辨雲徑盤忽在高高巔兩腋猶挿翰我
父知子名曾未接子驪前者和君詩薄言慙兒肝
淮南喜子來袖刺字未漫明日聞渡江留書特相
安今又獲嘉辭至味非鹹酸

依韻和丁元珍見寄

我從江南來挂席江上正輕舟自行速不與風力
競乃省少時學強勉無佳興初如弄機杼未解布
絲經利器昧其持或反授人柄及親賢豪游所尚

志已定不厭朝市喧不須山林靜不爲煦煦妍不
爲巖巖冰遇物理自暢區處劇操令仍類楚野筠
忽從孤根迸便成翠琅玕久與風霜硬雖然達吾
真誰復究畢竟世間忘坦途盡欲求密徑哂我是
疎宜乎今蹭蹬蹭蹬誠可嗟所偶亦已併晚逢
二三友喜飲恨多病道路何遭迴季秋越春孟平
生景慕者邂逅出天幸接迹猶謂榮況此聲顏並
實慙寡時用又顧無奇行愛之不忍去自旦還至
頃在昔濁世賢徒知清酒聖但用醉爲娛一老少
不更稍思桃源人翩爾乘漁艇尋花逐水往豈念

衰與乘歌謳非俗情山響自答應以此謝君勤微
言期略聽衮衮不足爲試共幽人評

泰州王學士寄車螯蛤蜊

車螯與月蛤寄自海陵郡謂我抱餘醒江都多美
醞老來飲不滿一醉已闌分甘鮮雖所嗜易飲亦
莫問嬌女巧收殼燕脂合眉暈貧奩無金玉狼藉
生悲念妻孥喜食之婢妾困埽拚行當至京華耳
目飽塵釜此味爽口難書爲賦者訓

張聖民席上賦紅梅

吾家有嘉樹紅藥開朝霧笑杏少清香鄙梅多俗

趣江都別乘居似見句溪圃坐中勿苦疑結子言
春暮

平山堂雜言

蕪城之北大明寺開堂高爽趣廣而意厖歐陽公
經始曰平山山之迤邐蒼翠隔大江天清日明了
了見峰嶺已勝謝眺齷齷遠視於一窓亦笑煬帝
造樓摘星放螢火錦帆落檣旗建杠我今乃來偶
同二三友得句欲霜鍾撞却思公之文字世莫雙
舉酒一使長咽慢肌高揭鼓笛腔萬古有作心胸
降

自感

左目忽昏花愁心亂刺麻文書都莫見藥物近憑
他眸子終何似形軀且願嘉唯期一開泰再望日
中鴉

我不嫌鬢白白鬢何自落雖然失醜衰將恐日踈
薄有生無不老歲事看秋穰一身憂已大毫髮誰
能度 二月二十八日

依韻和孫都官河上寫望

河上風煙愛此邦吳艘越舸不相降魚鯉磊磊橋
邊市花暗深深竹裏窓踈踈漸知寒食近鞦韆將

立小鬟雙年光取次須偷賞何用功名第與幃

依韻和試筆偶書

洗硯開書几拈毫喜子巢不爲微物撓自向小欄
敲已逐游絲未還綠翠葉梢因知生理大不必在
重文

和張民朝謁建隆寺二次用寫望試筆韻

荒臺殘壘舊名邦曾說王師此受降西漢衣冠拜
原廟五天龍象護經牕蜀國井味人猶品隋帝宮
基闕尚實自古興亡不須問風鈴閑聽響幡幢
躍馬侵星去啼鴉未出巢春棗風易裂從騎鐙相

敲紅日雙行柳黃金一林梢乾坤功力大

中文

依韻和許待制後園宴賓

春來無處不幽芳誰復樽前歎異鄉繞榻綺羅觀
舊艷傍池桃杏照新粧柳條拂拂牽絲嫩粟粉輕
輕落酒香聞道主公偏愛客翻思當日醉莎場

城頭有莎場
公每飲於其間

依韻和許待制偶書

曉雨射船珠瀉盤平明水上舞英殘闌離惡惡
泥濕調馬蹄翻軟土乾深屋鷺巢將欲補客房蚤

卷四十五
五
望尚憂寒為言楚客甘蕨軟白芷香牙長嫩

閨思

望日赤如橘游梁音信稀愁心常似醉去石絮等閑
飛江鱖看將爛芥牙吐尚微何時憑鷺子寄取錦
書歸

代書寄王道粹學士

已具扁舟訪使君忽逢春雨起淮濱花寒蛺蝶猶
相守水冷鴛鴦不暫分况約他時來寄蹟何須今
日去論文解菜無復山陰興且對荆

依韻和許待制病起偶書

桐柳陰陰翠色參幔房深邃靜於巖疾疑不是因
蛇影方秘曾傳白玉函煉蜜有時蜂競至墜瘰無
數蟻來啣女奚困觸屏風響林鳥飢尋蠹木鷓越
吏喜聞開便閣舞姬排北翦春衫嘉賓入幙金樽
抹賓客衝風席帽撓談出古人非騁辯詩陳王化
不言讒提綱勿用銖銖較列局緣從物物監龍騰
篆香盤屈曲虎頭彫枕剔空嵌年踰五十推就易
能格神明莫若誠

依韻和新栽竹

斲破煙叢帶筍移映軒檻特為宜龍孫已見多

奇節鳳實新生入翠枝不向阮家林下集還思清
北水邊窺一花一草公休詠慣作蘭臺待從詩

依韻和戲題

揚州太守重交情我欲西歸未得行寒食尚餘花
水近妻孥煎去到天明

依韻和春日偶書

麤面春醅壓嫩藍盤中鵝角亦肥甘正宜醉夢輕
爲蝶苦怕酬詩密似蠶病起羊公方隱几歸來陶
令只乘籃河堤古木欣欣暗野水新秧拍拍奔已
向官資隨分足莫將忠憤等閑談況於世上諸般

獸不作人間一例貪陋巷自知當退縮擁門誰解
更趨叅高低趣向難爲合冷暖情懷固飽諳勉意
妻兒猶苟祿強顏冠冕未抽簪唯公恩遇留連久
頻對樽壘也負慙

依韻和禁煙近事之什

狂風暴雨已頻過近水棠梨着未多窈窕踏歌相
把袂輕浮賭勝各飛墻閑牽白日游絲颺細鷓黃
金舞帶拖小苑芳菲花鬪藥華堂啣嘶鶯爭窠西
州駿馬頭如剝南國佳人頸似瑳結客追隨傾盡
榼分朋游樂藉青莎鞦韆競打遺鈿翠芍藥將開

翦纈羅我病乞求新火多無心更聽竹枝歌

依韻和春日見示

春雨懶從年少狂一生憔悴爲詩忙不能屑屑隨
時輩亦取區區憶故鄉白玉笛聲親府席六么花
拍動衣香龍咽嘹唳留行月鳳翼趨踰巧定場粉
色酒容歡四座花光燭影照西墻虛榮浪貴知多
少安得如君展肺腸

依韻和偶書相留

在昔有言無不讎故於嘉詠豈宜休出奇吳國將
能戰探隱漢宮人戲闖吹笛夢來猶記曲愛歌老
去未忘謳車中變服爲秦客頭上南冠學楚囚日
求歡呼遺搏齒夜深談論廢更籌海陵已有從游
約今欲西歸且榜舟

讀邵不疑學士詩卷杜挺之忽來因出示
之且伏高致輒書一時之語以奉呈

作詩無古今唯造平淡難譬身有兩目瞭然瞻視
端邵南有遺風源流應未殫所得六十章小大珠
落燦光彩若明月射我枕席寒含香視草郎下馬
一借觀旣觀坐長歎復想李杜韓願執戈與戟生
死事將壇

送寧鄉令張沆

長沙過洞庭水泊風搖石青山接夷蠻白晝鳴鴉
鷓竹存帝女啼夔學林雍鑿不嫌卑濕往教令民
須聽

依許待制送行詩韻詠焉以寄

江鷺銜泥日深堂拂玉琴不教開閣戶乃見主人
心掠水飛殊捷迎風去已禁短書猶可記聊影託
微吟

依韻和酬邵不疑見答

君才若巨賈既富仍深藏遂兼碌碌貧共處安可

量滔滔大澤陂渺漫八幽荒徒欲窮端倪憑萬何
相望一日以文繡被此糞土墻門徒三千人起予
唯卜商薄言昧纖悉懷憂思萱忘美璞委彫琢以
未知我詳但念故時朋所樂來遠方慎勿以名使
取敗非相當

贈張伯益

張伯益風義自足常遊遨醉彈琵琶聲嘈嘈雷車
急輟蛟龍號曲終放撥解紫條勇氣索筆作小篆
李斯復出秦碑高不數宣王石鼓文快健欲敵橫
磨刀奕棋絲桐且置之衆善多取精神勞

依韻和邵不疑以雨止烹茶觀畫聽琴之
會

彈琴閱古畫
煮茗仍有期
一夕風雨來
目喜晨
滋中河不阻
溢舟楫亦所宜
况聞新疾愈
當與嗜
好睽何須顧
小約豈不有
他時淡泊全
精神老氏
吾將師幸因
荅來章敢不
以此咨此咨
有深理願
君勤且思

依韻和不疑寄杜挺之以病雨止冷淘會
邵杜二良守相逢
欲盡沾醉促膝
一開顏
袞袞言有
味或嘆季路
宜或語出夷
是各懷忠義
心要終豈

同異我實踈
賤軀政治未
使試預茲
高古談儒志
生勇氣明當
饌湯餅疾雨
晦天地一日
不見君何
止如三歲口
腹尚乖期
榮華可推類
嗟嗟勿復問
安恬固無媿

獨酌偶作

東路歸梁懶
黃流下汴
深眼穿南去
翼耳冷北來
音風雨昏斜
日乾坤入醉
吟不憂貧且
老自有伯
鸞心

荅杜挺之遺鰲魚乾

百年蠹柳根
半浮榻屋顛
風吹欲倒寸
步泥深登

岸難鯀乾助飲隣船老

各母封之貴

宛陵先生文集卷第四十六

宛陵先生文集目錄卷第四十七

觀邵不疑名畫

懷杜挺之

絕句五首

李轉運示卷

觀書

書二客

留別李學士

過山陽智洪房

淮陰侯

淮上遇風

宿洪澤

泗州郡圃四照堂

泗守初北園

和淮上相遇

泗州觀唐氏書

得千葉樓子芍藥

併得酪及櫻桃

阻淺挺之平甫來飲

和表臣奎野亭

和表臣先春亭

和河南庾署西軒

和表臣見贈

和表臣聞諸友飲

表臣惠蜀笺硯池

和阻水見勉

聞宣叔棹之園基

五情篇

釋悶

釋滯

和憶竹園山寺

和晨起見贈

李秘丞遺川棧粉紙

錢推官遺紗帽

和表臣惠醞

閱表臣書而飲

寄送許待制知越

和五州感懷

赴表臣會呈挺之

醉中和王平甫

將解舟呈表臣

答再和

非意篇呈表臣

和錢推官見寄

答宣叔行舟相隔

力漕篇呈王發運

唐店寄錢推官

徒步訪李宣叔

答高判官

目錄終

宛陵先生文集卷第四十七

觀邵不疑學士所藏名書古畫

野性好書畫無力能自致每遇高趣人常許出以
 視邵侯多奇玩留我特開筭首觀阮與杜驢上眼
 目醉此補韓幹貌四馬臨流解鞍轡花驄照夜白
 正側各畜意繫衣穿袴靴坐立皆厩吏精神宛如
 生于腮復穿鼻梅雞徐熙花竹間寒雀睡逸少自
 寫真對鏡絕相類數本失姓名古胡并老驥山水
 樹石硬荆關藝能至剛巨然李成者落筆愈奇
 異人物張僧繇雖傳恐非是其餘又莫究模塔似

未備周秦已來書行草楷篆隸聲名舊烜赫
果可喜邵侯愛我曹咸使紙尾記况侯有古學小
字刻珉翠各贈墨本歸懷寶誰肯忘

先至山陽懷杜挺之

與君同川途舟發偶後先順風吹我帆已過飛鳥
前寄聲託飛鳥微意或可傳定逢橋上烏暫向彼
留連薄暮楚城下踟躕問來船

絕句五首

風過已午未肯正酒病嬰我心無慘船頭拍翅野
鴨浴水上擺子獐魚跳

岸邊稚子戲把釣蚯蚓作餌青條長止去下來舩
不定自飛自語燕爭忙

夜欲三更飢鼠鬪燈殘一點小星紅村邊坎坎賽
神鼓舩底擘擘駕浪風

葑田青灰博弈局島樹墨楹煙雨圖已去揚州百
餘里回頭還隔幾重湖

蝦蟆噴沫爲科斗螺贏銜蟲化細腰蠹穴荒陂有
多少乾風濕雨各飛跳

淮南轉運李學士君錫示卷

李氏世能詩落落爲時豪漢陵唐太白始覓二雅

高益端正封賀才各傾吳濤于今幾代孫手持切
玉刀功利既及民又將薄風騷示我照乘珠光彩
生褐袍曾非貧家有懷歸徒增勞神物必難秘恐
隨風雨逃

觀王氏書

先觀雍姬舞六么妍葩發艷春風搖舞罷英英書
大字玉指握管濃雲飄風馳雨驟起變怪文鯨書
飛明珠跳席客聚立驚且歎筆何勁健人柔天昔
時裴旻能劍舞丹青助氣精神超藝雖不同意有
會世事相假非一朝

書二客論呈李君錫學士

我慕杜挺之磊落高世談又愛王平甫才雄天馬
駭二人相議評最重李淮南踈跑文館彥委曲部
政諳能蘇養海民變使供租甘雖持使者權不作
自畏螻蛄諄諄無威傲雍雍激廉貪書戒易滿人縱
愚須起慙始時邊海盜享民常官通其錢往往給膏米爲
直弄之而去浸及享民無本多逃者今解中戶

就邑幼祖給享民民
乃大則逃者復還

留別李君錫學士

淮南尚喜風流在客有殷勤載酒過不醉不歸情
可見相看相笑意如何曠眸自解持高論長頸稀

逢缺善歌舊愛陽關亦休唱西還從此故人多

過山陽水陸院智洪上人房

有蘇子

才戴七來此每嗟多異今池灰休辨劫川月解明

心遺墨悲蘇情高情想遁林能閑常似舊翹立水

遣禽

淮陰侯

功既高天下身何不自防已能成漢業無復假齊

王復耻曾為伍安知呂所忘空名流未竭淮水共

湯湯

三月八日淮上遇風杜挺之先至洪澤

道人來迎

曉出淮口時夜來風已止半路逢怒嘍客心愁欲

死忠信雖可仗魚鼈將異此但暮前行舟漸入孤

汶裏猶能有餘力遣助良可喜

宿洪澤

舟子起添纜夜潮同雨來寒聲相亂急遠夢自然

迴水鳥鳴還睡風燈暗復開宦游常作客未息為

貧催

泗州郡圃四照堂

官艦客船滿淮汴車馳馬驟無閑時豈有餘力事

棟宇後園荒草長
離離朱侯下車百職舉亦治宴
豆頻遊嬉梁冠爵弁各得禮
道路溢譽亡高卑因
隙作堂名四照虛光轉納
娥與羲面面懸
總夾花藥春英秋
蓋冬竹枝射棚寬
闊習武事鏡沼清淺
吹文漪侯之此意寧
自樂吏情勞士俱忘
疲後來出口勤洒掃
莫作廐埽生蒿藜

泗守朱表臣都官初北園

樹藝北塲上直對高城
陰使君朱輪來歌管樽酒
深風雷生淮雨雲物冒
楚岑戰舫習追逐飛凌捷
水禽不獨耳目觀乃見
預禦心事閑賓從樂景美

臺榭臨今人忘羈旅洒慮起微吟

依韻和誠之淮上相遇

一別逋翁久不逢亦知
諸葛卧龍中幾年三致
千金富今日重追二謝
風形槁已能同散木鬢
霜從聽着寒蓬飛光入
酒舊時月來炤狂歌猶
未窮

泗州觀唐氏書

唐氏能書十載聞誰教
精絕向紅裙百金買書
蒲葵扇不必更求王右
軍

同朱表臣及諸君游樊氏園

五年前上去乃從許公
過舊物此君在後生新
筍

多朱櫻繁且熟黃鳥啄仍歌一一如當日乘高奈
興何

七里灣得朱表臣寄千葉樓子鬢子芍藥
誰稱爲近侍宜與牡丹尊霞綵千千葉香撩黯黯
寬紅樓思俠少寶髻奉王孫賸插不堪照顏衰汗
水渾

併日得朱表臣酪及櫻桃

昨日酪將熟今朝櫻可餐紫純休定價黃鳥未新
殘甘滑已相羨齒牙仍尚完應知消客熱遠贈盃
盈盤

阻淺挺之平甫來飲

泛淮忌水大我行浩以漫泝泚忌水淺我行幾以
乾偶與困滯并將獨爲此難窮堤有來客芬芳可
與言共休綠榆陰置酒聊慰安主人雖倉卒猶得
具甘酸酸漬楚梅青甘摘夏櫻丹引觴吞日光耳
熱不復歎俛仰已陳迹未可忘茲歡誰思費生術
幻惑寧盤桓

依韻和表臣奎野亭

淮光抱城去山翠落樽前魯叟欲浮海楚人休問
天野雲將拂幔水鳥不驚船歷覽誰能賦今聞太

守賢

依韻和表臣先春亭

雜花紅間白遠樹短叅長天近春歸疾城高地易
涼千尋浮遠水五兩動連檣置酒未終樂山煙生
暝隍

和表臣河南度署西軒

飛鳥欲下蟾生時斜光冷魄常相隨右山左水清
洗目虛簷曲檻生揚眉白魚甘肥網可得公酒美
滑盃可持臨淮使君有閑佚長橋直度來莫遲

依韻和表臣見贈

中間會與別不啻二十年向來君之官我必贈以
篇今過臨淮郡惠好情聯聯訪我車騎都宴我鶯
花然此當舟航衝旅泊逾百千迓高而撫下酒壺
櫃食連使子一日爲立可見華顛遠行恐勞君數
里不得前三月汴水淺蹇滯無我先君乃遺我詩
盛稱我爲賢比之少陵豪望我何太全又令入時
用目堪事高眠安能事孔聖終學美周宜勤答以
明懷矢辭敢欺天

依韻和表臣聞與挺之宣叔平甫飲

舟淺不能進反羨車馬馳同行各在野有酒相與

期堤上聞禽處桑間落日時使君羊笋贈更飲更

追隨表臣是日送

表臣惠蜀箋借玉硯池

蜀箋珉硯池為贈知雅故慙無右軍書亦之左思

賦環水象辟雍紋花如織素願傳君德政况已聞

行路

表臣以阻水見勉次其韻

野叟津難問賢人酒不空行吟同去國退翼欲乘

風憂已先天下窮方坐井中予生一如此安得免

衰翁

聞宣叔挺之園棊

人以棊銷日我觀棊輒寐未必盡死生何茲較愚

智只將多勝少復取生為利不若酒之賢悠然共

醒醉

五情篇奏方響琵琶

倩然五蛾眉妙曲動金絃犀椎玉鈴鈴龍撥雷鞀

鞀響息能愈靜意閑情常專主人昔結客一醉百

金指觀濤來吳都遇我泗水邊夜飲向明月非同

聞隣舫

釋悶呈拱之平甫

燕丹未歸馬未角
下子抱玉無兩脚
孤城食盡兵未却
度笮中懷挂一索
我輩於此酒宜酌
百歲千秋奈何樂

釋滯

帝在蒼梧妃泣竹
蘇武餐毛海西曲
窮山遠道車折軸
深井渴汲綆不續
我輩於此酒正綠
貴無奈何歡且足

依韻和表臣憶遊竹園山寺

山勢謝公妓竹似阮家
林花發日初暖鳥啼春欲
深朱櫻連葉摘綠酒帶醅
斟猶想聞歌吹僧房未

暇吟

依韻和拱之晨起見寄

時出泚淺
淺水不堪泛暗灘
時激聲晨都望迢迓
窮旅思屏營芳草同
誰藉投壺自喚名
得君晨起詠遠遠見
交情

李宣叔秘丞遺川牋及粉紙二軸

蜀人擣玉屑楚客調金粉
製牋君有贈草疏我無
蘊宜書楊雄辭莫爲屈原憤
誰識此意微曾非事
搖吻

錢志道推官遺紗帽

遠贈烏紗帽能無白也詩山花不更挿野客莫驚
窺

次韻和表臣惠符離去歲重醞酒時與杜
挺之李宣叔王平甫飲於阻水仍有笑將
之遺

贈以榴花酒沉清貴隔年不憂航滯積爲汎盞如
船加品盈盤內無花到眼前還招李杜醉野釀莫
稱賢

表臣齋中閱畫而飲

嘗觀韓幹馬人物亦如生君收四病骨無肉只淨

嶸二匹瘁磨樹二匹縱其情意思若不任千里未
可行古絹蠹已盡彩色無精明歎惜傳至此幾人
金帛輕隋時有名筆獨寫嚴君平猶持杖頭錢罷
肆心莫營魁然中貴人坐榻不知名畫中有畫屏
山石侔天成今時長沙叟獼猴檨林橫疏毛與設
色前代何角爭餘存品雖高我未易敢評主人愈
好事緘筭酒壺傾

寄送許待制知越州

喜公新拜會稽章五月平湖鏡水光
菡萏花迎金板觴葡萄酒瀉玉壺漿
雲歸秦望山頭靜雨洗若

耶溪上涼天子不能煩侍從可將吟詠報時康

依韻和王司封離白沙途中感懷

淮雨夜飛氛侵銷星纏歷歷轉隨杓黃童謾對日
如月賈誼休悲鵬似鴉市骨已知求駿馬輶車信
用載田驕不唯忠憤心如此王佐才高賦小鶴

將赴表臣會呈杜挺之

莫怪去遲遲予心君亦知膝前嬌小女眼底寧馨
兒學語渠渠問牽裳步步隨出門雖不遠情愛未
能移

醉中和王平甫用其韻

王瓜未赤方牽蔓李子纔青已近樽
最年高雜年少風流還有杜陵孫

將解舟走筆呈表臣

昨夜謳吟瀉春酒今朝波浪下黃河
主人不暇忽別爲倩流鶯寄語過

荅再和

舟行纔及二二里已復淺流如凍河
君有短書誰遠寄時因燕子拂檣過

非意篇呈表臣

人言厨傳繁乃是郡又例一日苟不修未免衆吠

卷四十七
晚飽尚誇所興飢必愠不細損之禮漸墮存之禮
未替心莫忽賤微義莫徇貴勢我將取是然敢以
爲君計

依韻和錢深推官見寄

無才不敢學陽秋嗜酒時能問大酋前日偶從河
上飲文章何可並英遊

依韻答宣叔行舟相隔見寄

汴漲濺濺費挽牽輕舟難若上青天只知乘駛及
先去不意遲留落邠邊

力漕篇呈發運王司封寶臣

兵外賦強兵內體壯歛之盡歸歲以多餉東南軸
艫銜尾而上浮江浮淮汴汴之湍汴湍不常水衡
不官惟虞溢毀靡虞舟繫舟繫糧覆糧孰爲足大
計之數萬百惟六帛幣錯貨三倍其穀曰主厥漕
王之蓋臣日憂河涸運智煩神以舫實土約流束
津百步之間若牙與齧朝漲夕降滯舸次鱗亟乞
于朝朝不即報下上經營風并日曝其躬其勤秉
心有操士豈無操視此則冒彼以榮佚此以劬
願答其劬錫命錫誥

四月十三日唐店寄錢推官

昨夜月如水君能携酒來破除愁悶去洗蕩肺腸開
露氣林間落河聲地底迴相知不須早語合自無猜

徒步訪李宣叔宣叔有詩依韻答

渡河誰道去裁重子雲才鴻鴈汀洲去牛羊井落徠
乍行初覺倦暫語不能該日色看看暮將歸意復徠

答高判官知唐君夜飲

露宿勤王客相從月下來黃流何口漲綠酒暫時

開風定燈花爛天高斗柄迴醉言多脫略吾黨不

須猜

宛陵先生文集卷第四十七

宛陵先生文集目錄卷第四十八

和劉原甫見贈

聞禽

表臣至十三里店

泊徐城寄二友

至第四鋪二首

倡姬歎

過青陽使風

挑燈杖

蠅

蟬

鶯

雞

鶴

蛙

鳩

蚊

鹿

犬

豕

蛟

兔

魚

龜

蝦

至靈壁得捷之書

暮春白杏花

午日三首

晚得菖蒲

祭猫

和酬太師相公

荅贈圓覺早梅

雍丘遇雨

廟子灣下作

留侯廟下作

高車再過謝承叔

李審言諸公招會

送周都官湖倅

和荅吳太祝

寄吳冲卿見寄

目錄終

宛陵先生文集卷第四十八

依韻和劉原甫舍人赴揚州途次贈子翻

翻河中船

我船緩而西君船迅而東緩迅各所尚不意中路
逢驥馬方騰雲野鶴還就籠亦言出處異同是天
地中我豈不知命人空嗟其窮何當遂逸性川上
作釣翁

聞禽

禽鳴脫破袴定無新易故此語莫相譏善貧知有
素

表臣都官至十三里店

風雨催車騎，駸駸來自南。道傍有茅屋，盡容使君
驂。不謂忽下馬，濕衣逢我談。田家已刈楚，田婦正
好蠶。既將國漕急，復與民事諧。他年此茅屋，便比
棠樹甘。

泊徐城寄杜挺之王平甫

十里五里一值淺，千愁萬愁過徐城。王君論與河
流阻，杜老談思月色清。岸若屹墻空自面，樹如張
蓋欲誰傾。二人黨及親朝夕，更晚更遲何計程。

至第四鋪二首

第四鋪前風雨急，搭河過盡不憂灘。却愁蓬溺空
征橐，始信人間行路難。

輕舟已過第四鋪，憶著陽關末尾聲。悵惘杜公行
底急，白醪何處得同傾。

倡姬歎

萬錢買爾身，千錢買爾笑。老笑空媚人，笑死人不要。

過青陽驛使風

天應憐逆旅，乞與順風初。不假卒添力，任從帆自
踈。燕撓舟尾健，鷁漱水花餘。會與王都近，何須問
疾徐。

蠅

乘炎出何許人意以微看怒劔休追逐疑屏漫指
揮與蚊更晝夜共案上盃盤自有堅冰在能令夏
不難

蟬

柳上一聲蟬沙頭千里船行經朝雨後思亂暑風
前物趣時時改人情忽忽遷感新猶感舊更復幾
多年

鶯

綠柳陰猶薄黃鸝轉已清年年舟上客處處樹頭

聲勢第佳人語依稀太子堊夕陽聽不足飛入舊
荒城

雞

昂然大雄雞高冠紫沉羽星占太史局樹棲丞相
府知時不失悔得食曾呼伍率無終夜鳴須防人
起舞

鶴

何時別遼海倦豈難庭鷗去作仙人駕來乘術
軒雲中晴引唳松上舊能言俱說長千歲子非學
羨門

挑燈杖

油燈方照夜此物用能行焦首終無悔橫身為妾
明盡心常欲曉委地始知輕若此飄飄梗何遊世

上名

蛙

皮蛙怒目生科斗亦縱橫自得君王揖能為鼓吹
聲越人嘗入饌秦客不須驚誰解綠明月徒誇兩
股輕

鳩

一世為巢拙長年與鵲爭欲知雲脚雨先向屋頭

鳴頭上玉花碎臆前檀粉輕何時將刻杖扶助老
夫行

蚊

向晚化汚積群飛來戶庭熈螟許巢睫琥珀為留
形夜色備容蔽雷音亦感聽猶矜負山力血食也
露醒

鹿

群處空山中跡在深松下周穆得同狼秦人指為
馬驚顧遠世網脫質去田野誰思充腹脩自是全
無者

犬

常隨輕騎獵不獨朱門守鷹前任指蹤雪下還狂
走人思上蔡逢書寄華亭後莫將呼作龍梁肉繞
經口

豕

司原秦俗豨日見容陰昵喜比為白麟惟憂不豐
盜烈風澤雨作真聲向人出司原悔何由肝膽空
駭慄

蛟

橋邊三尺劔江上六鈞弧漢武帝何處周將軍已

無織綃深有室泣淚自為珠誰為九淵害人猶能

爾圖

兔

迷蹤在塵土衣褐戀蓬蒿有狡誰窮穴中書惜技
毫獵從原上脫靈向月邊逃死作功勳戒良弓合
自殘

魚

洛水美積鯉入河西去時三春登玉浪一日到天
池垂釣豈容羨小鱗應莫隨腹中無七首已不助
吳兒

吳景龜

王府有寶龜名存骨未朽初爲清江使因落豫且
手白玉刻佩章黃金鑄印紐辭聘彼莊生曳塗誠

自有

自定

自生江海涯小大形拳曲宮簾織以鬚水母憑爲
目貴將蔽其私賤用資不足於物豈無助况能參

鼎肉

至靈壁鎮於許供奉處得杜挺之書及詩

去冬過尋歷陽守江沙半遮當利口口頭沙感浪

如山浦溆排舟魚貫柳却畏浪高難苦留聞解符
來時不久平明挂席入揚州主人釀成百斛酒酒
上玉蛆如笑花一日倒空罌與缶主人亦欲君舊
友請我逢君同此首清明君果渡江至與君繼舳
曾無負過淮風緊到洪澤使人助我如臂肘暮春
泝汴汴流澁自假輕航去如走千憂萬阻經靈壁
留書津吏情何厚副之佳句二十言文昌光芒夜
侵斗平時相恤以此稀緩急求之更難有風牽月
挽望符離水館野亭能駐不葛巾輕服約登步葱
臞冷淘誇甚滄書中不說王平甫應又先行君在

後我今赴君君赴王赴八大梁須執手

永城杜寺丞大年暮春白杏花

孤素發殘枝非關比衆遲殷勤勝菖葉重疊為長時

午日三首

有酒不病飲况無菖蒲根空懷楚風俗角黍弔沉

寃 佳人五色縷道士絳囊符瘦臂不中繫系百邪何用

驅

百草堪為藥舟行不及收岸傍蕭與艾從聽到寒

休

晚得菖蒲

薄暮得菖蒲猶勝竟日無我馬能免俗三揖向樽堂

祭猫

自有五白猫鼠不侵我書今朝五白死茶與飯與
魚送之干中河况爾非爾踈昔爾齧一鼠銜鳴送
庭除欲使衆鼠驚為意將清我廬一從登舟來舟中
同屋居換糧雖甚薄免食漏竊餘此實爾有勤有
勤勝雞猪世人重驅駕謂不如馬驢已矣莫復論
為爾聊款款

依韻和酬太師杜相公

相國推心本至平欲揚蕭艾作蘭蕙孤根易變終
微曉美澤難霑漫晦冥楚客嘗聞紉若若玉森
復願青青東風已與生成足不敢希冀在帝庭

依韻答僧圓覺早梅

江南自寒苦花不與時同清向三冬足香傳一國
中雲湖藏舊市雪樹認新豐未有虧冰素隨粧入
漢宮

雍立遇雨

日暮風雨急逆水舟難牽波波入祀國悄悄誰憂
天聞闕鼓中雷暮暮隄外煙驟然沃大熱蒸飲

如炊煎飲水徒腹滿渴喉殊未竭搖蓬已煩倦汗
額常不乾如何一席地長少皆在前衣巾不敢丟
又以禮數纏安得化嚴石兩脛沒流泉每暑起此
念念之凡幾年終當逐逸志矣必事華顛

廟子灣下作

廟子灣下百尺船杞人楚人相雜牽水底老屋傳
以怪樹頭挂紙吹作錢江蛟海鷗千萬里軒風疾
日變島邊長安舊去天尺五此在大梁看雙前而
冠長劔刀不畏沙雨夜起噴腥涎

留侯廟下作

貌如女子心如鐵五世相韓韓已滅家重三百不足使倉海君初去相結秦皇東從博浪過力士袖椎同决烈曉入沙中風正昏誤擊副車搜迹絕亡命下邳地上游老父墮履意未別顧謂孺子下取之心始不平終折節舒足既受笑且去行及里所還可說可教後當五日來三返其期付書閱他日則為王者師果輔高皇號奇傑留國存祠亦水傍逢逢蕭鼓賽肥羊赤松不見天地長黃石共葬立冢荒

高車舟過謝朓叔內翰

世人重貴不重道重道今見歐陽公昨朝喜我都門入高車臨岸造船蓬俯躬拜我禮愈下騶徒竊語音微通我公聲名壓朝右何厚於此瘦老翁笑言啞啞似平昔妻子信說如梁鴻自茲連雨泥沒脛未得謁帝明光宮冒陰履濕就稅地親賓未過知巷窮復聞傳呼公又至黃金絡馬聲龍纒紫袍寶帶照屋空飲水啜茗當清風邀以新詩出古律霜髯屢領搖寒松因嗟近代貴莫比官為司空仍侍中今成家丘已寂寞文字豈得留無窮以此易彼可勿媿浮榮有若送兩虹須臾斷滅不復見唯

有明月常當空况我學不為買祿直欲到死學何
雄一飯足以飽我腹一衣足以飾我躬老雖得職
不足顯願與公去驩樂同驩樂同治園田穎水東

李審言相招與刁景純周仲章裴如晦

當世沈文通謝師厚師直會開寶塔院

自君命我飲朝暮雨傾瓦城東與城北大道泥沒
馬敢忘主人勤顛撲困馭者衆客亦如期陳肴藉
蘭若憑裴與沈謝辯論過終賈刁周事老成危坐
言語寡酒半時謔劇揣狀類模寫或譏項髮禿或
指舌端俊或將冠帶身勸作梁武捨謂我大耳兒
此實已見假又效井市態屈強體非雅順風牛馬
沙逆風口哆哆竟席屢絕倒去忌肝膽瀉規規豈
無儕達識高天下

送周仲章都官通判湖州

溪水日零零弁峯日我我中有水精宮此名其謂
河湖水傳玉娘揚光滿常娥昔人美清夜高樓發
微歌風流百年餘所歷才彥多我寧居其下醉舞
或嗟嗟君行貳郡事結騎黃金珂容儀苦白晷
橋鳴棠駝士女夾道看秋風火穀羅言是公侯
大體僕弗過問僕衣未辨襟駟入菱荷楚莫勸

織生計非村校

依韻答吳安節太

我於文字無一精少學五言希李陵當時巨公特
推詩便將格力追西京下和無足定抱寶乘驥走
行天下老玉已累人馬不逢皇皇何之飢欲倒還
思二十居洛陽公侯接跡論文章文章自此日怪奇
每出一篇爭誦之其鋒雖銳我敢犯新語能如夏侯
湛于今窮困人已衣不見懸金規呂覽乃遭吾子
求琢磋珠璣獲斗奈我何

吳冲卿學士以王平甫言淮甸會予子久

未至冲卿與平甫作詩見寄答之

老馬力盡道路長豈若壯驥思騰驤項窮臨流歎
不逝燕骨埋沒庸可傷我今六十趨南北飢腸不
足面黧黑少年心志一點無千里區區安所得往
君閭門之經過閉戶讀書多廢食便從冠帶向仕
途強顏希祿非貪職昨逢王倩昧平生一見如舊
心相傾談經樹下任日炙酒狂便欲騎長鯨誰意
同行有遲疾先入大梁凡幾日大梁故人憐鮑衰
迭為寄鳴辭嚴密卒章言買羊與酒雖齒動搖
能飲益亦知紅顏教新成更願舊朋邀六七

宛陵先生文集卷第四十八

日六

宛陵先生文集卷第四十八

宛陵先生文集卷第四十八

宛陵先生文集卷第四十八

宛陵先生文集目錄卷第四十九

寄題絳守園池

陸子履見過

重送周都官

送李殿丞推務

和吳學士石屏

求叔贈絹

奉和永叔感興

奉和永叔社日

社日飲永叔家

觀長星

送李學士知邛州

弔仲源

送梁學士知襄州

送薛氏婦歸絳州

送劉秀才歸富塗

送裴如晦宰吳江

送袁寺丞撫倅

送石舍人使匈奴

和中道觀駕

蘇度支挽詞

重送袁世弼

留題景德寺講僧

閣門水

朝堂宿齋

送杜郎中知虔州

送吳辯叔知華縣

當世家觀畫

送玉汝還南京

目錄終

宛陵先生文集卷第四十九

寄題絳守園池

老栢麝不食古色侵青冥淺沼龍不入秋水生浮
 萍屋屢巧聖幾太守壁上彪蔚遺丹青黑石鐫辭
 澁如棘今昔往來人不識酸睛欲扶無聲形既不
 可問不可聽懸泉瀉竇書未停飛玉貯藍光入屏
 苞潭梁崑甲癸丁蔓刺交綴垂組紕蒼官扇槐朋
 在庭風燕日鳥聲嚶嚶卉葩木菓粘枝條集臺腕
 熱昏病醒文韓詩怪若是徑取一二傳優伶仍
 寄河東薛太守更與斟酌無閑局

陸子履見過

劉郎謫去十年歸長樂鐘聲下太微屈指故人無
曩日平明騎馬扣吾扉論情論舊彈冠少多病多
愁飲酒稀猶喜醉翁時一見攀炎附熱莫相譏

重送周都官

水上朱樓畫角鳴濛濛雨裏榜舟輕未逢甫里先
生謁多見吳興太守迎荷葉半黃蓮子老霜苞微
綠橘林明十年不到風煙改君去將詩與畫評

送李載之發丞赴海州推務

瓜蔓水生風雨多吳船發棹唱吳歌槎從秋漢下

應快人憶故園歸奈何世事靜思同轉轂物華催
老劇飛梭茶官到有清閑味海月團團入酒羸

和吳冲卿學士石屏

吳夫子佩銀龜乘天馬素怪奇忽得號畧一片石
其中白色圓如規又有樹與鳥畫手雖妙何能為
吳乃持問歐陽公比公曩獲尤可疑疑不為辨賦
以詩詩辭粲粲明星垂復遣賚來使我和坐上鉅
公傍睨之范侯寔有楊雄學咸云此理難究推我
婦滌慮反覆思義雖不經聊解願月與太陽合朔
時陽鳥飛上桂樹枝枝上作窠生群兒人不知天

公天公欲俾世間見影看石面如粘繭烏既不得
去月亦不可移留為千古作好玩慎勿傾撲同玉

碑

時在唐書局與歐陽永叔王
原并范景仁會食得所示詩

永叔贈絹二十四

鳳凰披羽覆鷦鷯鷦鷯幸脫僂高蓬昔公處貧我
同困我無金玉可助公今公既貴我尚窘公有緣
帛周我窮古來朋儕義亦少子貴不顧顏淵空復
聞韓孟最相善身仆道路哀妻僮生前曾未獲一
飽徒說吟響如秋蟲自驚此贈已過足外可畢嫁
內禦冬况無杜甫海圖坼天吳且免在褐躬瘦兒
兩脛不亦凍病婦十指休補縫厨中餒婢喜有望
服鮮弃垢必所蒙梁上君子切莫下吾非陳寔何
爾容

依韻奉和永叔感興五首

泉上有君子齋祠達主誠向來霖雨暴觸處蛟鼉
鳴既祈致日出杲杲紓民情天子遣以報固匪媚
取名因成感興章庶用語平生蹈道久已熟情田
不須耕

既負天下望必憂天下責每聞諫諍辭苦意多矯
激心存義勇赤氣與虹霓白所論言必從豈若水

投石陰邪日已銷事理頗已得莫將經濟術抑鬱
向曾臆

勿驚年齒遲勿歎時節晚寒松翳林麓射于生隴
坂野蓬隨飄飄秋實綴纂纂萬物更盛衰有益必
有損損益皆自然昌增鳧脰短人為智慮役白髮
安得免利澤欲及時唯恐不行遠後世豈皆愚計
校徒勉勉

日出各馳趨皆為利所迫秋蟲至微物役役網自
織古來高世人林下遺憂責扛鼎絕贖者乃自恃
以力積金苟如山何異魚貪食

唧唧復唧唧長沙何太息秋風入破衣瘦婦思補
刺手中把長線無帛縫不得夜夜憂向寒斗柄漸
垂北嫁夫欲夫富歡樂要終極歡樂既未能鬢髮
霜花易

依韻奉和永叔社日

玉卵不吞龍嗜肉燕子成兒去華屋老櫪半黃田
鼓鳴樹下宰平誰似玉茂陵常說泣秋風王母惜
傳雙鬢綠東方伏日思早歸長飢不及侏儒腹
豕新烹白醪熟奮衣地坐無拘束驪山夜寒坑底
哭漫把漆書留冢竹

社日飲永叔家

雨未雨濛濛野田擊鼓賽社翁折條跨馬社翁去
醉叟卧倒梨葉紅黿頭主人邀客飲玉酒新賜蓬
萊宮彭宣不預後堂會康成一舉三百鍾更邀明
月出海底爛醉等是歸高蓬

八月十三日觀長星

長星彗雲出天狗欲墮鳴狗掃不見跡昭昭河漢
橫河漢秋轉淨箕斗垂光晶勸爾長星酒收視看
太平

送李才元學士知邛州

太守車煌煌莫如還故鄉昔登蜀郡籍今得臨邛
章過家禮耆舊接境跪壺漿寒經道路遠春入山
川長俗將樂其化詔亦美其良相如有遺跡誰復
酒壚傍

弔仲源

世家吳季子皇籍漢諸孫嘒管行車失虛堂隱几
存枝摧從玉樹星隕自天垣寧復下貧賤停驂來
里門

送梁學士知襄州

騎吹荆州去喬林漢水前鄉亭逢故老牛酒問高

年暮 賦臨關路黃柑逐賈船習家池館在賓從與
留連

送薛氏婦歸絳州

在家勗爾勤女功無不喜既嫁訓爾恭恭已乃遠
耻我家本素風百事無有侈隨宜具奩箱不陋復
不鄙當須記母言夜寐仍夙起慎勿窺窻戶慎勿
輒笑毀妄非勿較覓醜語勿辨理每順舅姑心况
逆舅姑耳爲婦若此能乃是儒家子看爾十九年
門閨未嘗履一朝陟太行悲傷黃河水車徒望何
處哭泣動隣里生女不如男天親反由彼

送劉繼鄴秀才歸當塗

鷓鴣始出巢欲矜五色羽乃見郡鷓盤壤中將有
取梧桐與竹實安得在平土所趣固已殊而何不
遠舉幸失網羅目且還蘭蕙圃故鄉有嘉林其下
可以處會侍朝陽鳴賀夔夔成律呂

送裴如晦宰吳江

吳江田有粳粳香春作雪吳江下有鱸鱸肥膾堪
切炊粳調橙羹飽食不爲餐月從洞庭來光映寒
湖凸長橋坐虹背衣濕霜未結四顧無纖雲魚跳
明鏡裂誰能與子同去若秋鷹爲制

送撫州通判袁世弼寺丞

帆疏疏織綠蒲二十四幅輕江湖高秋逐水上天
去朝過瓜步暮濡湏長風沙頭問鯉魚大孤山側
鳴寒烏魚腹無書報家信憑烏爲到西山區西山
松栢應更好及取之官來拜掃

送石昌言舍人使匈奴

燕然山北大單于漢家皇帝與璽書持書大夫腰
金魚飛龍借馬出國都胡沙九月草已枯草上霜
花如五銖白裘貂帽著不暖莽莽黃塵車欵欵野
廬邊月出隴來風靜天遙鴈聲短聞到蜀庭尤苦

寒譚言抹耳不譏彈公於是時已觀禮踏雪再拜
辭可汗

依韻和宋中道觀八月二十八日車駕朝

謁景靈宮

都人夾望禁槐傍閭闔初來旭日光彫玉翠鞍牽
駃馬盤龍朱輦爛文章焚香闕殿開嚴帳汲水寒
溝洒廣莊一見天顏萬人喜却迴宮禁樂聲長

度支蘇才翁挽詞三首

二十歲君貌交游非一朝眼光沉碧海志業隕首
膏洛客舊爲社楚人今作招素車京峴路處不似

集覽

盛世雖多士唯公與衆殊高才飛健鷗逸句吐明珠未入周官采爭持楚璞模莫悲泉骨朽青史見賢愚

自昔愛春物鑄深眼底紅日斜花在落身醉客西東歿數千年隔生悲百事空君嘗知此理不悞學陶公

重送袁世弼

臨川內史謝康樂貝葉翻經有故臺春草生塘猶夢句秋葉出水似君才繁雞肥脆聊供膳菊酒甘

濃可薦孟亦說右軍遺跡在墨池科斗喜風雷

留題景德寺吉祥講僧

我講異爾講我書非爾書彼將希白馬此亦猶大車皆行國都內轍不入委問世人日擾擾來慕清涼居

閣門水

朝堂嘉祐元年九月九日宿齋
歐陽文忠公與張文之孫之翰命賦

宮井固非一獨傳甘與清釀成光祿酒調作太官羹上舍銀餅貯齋廬玉茗烹煎相如方病渴空聽鐘聲

朝堂宿齋

玉屬陪祠日宮廬寓宿時鍾來建章遠月過羽林
遲寒入清綾被風牽翠鳳旗賈生誰復召安問鬼
神爲

送杜挺之即中知虔州

大庾嶺邊無臘雪惟有梅花與明月月光如水來
向人太守得閑盃耳熱吹香入酒望梁宋正是苦
寒綿可折亦當念君君行南南方無冰地不裂此
身不到五侯門肥羔釀酒槐槽咽玉色少年生頰
春解笑吟腸冷如鐵衝風冒霰入廣文老與諸生
開反切重嗟君遠隔江湖難得豐甘牙已缺官娥
執樂一千指脩頸慢肌衣錯纈定逢賓客強排妮
舞徹六么紅袖掣人覓羨君君愈疲夜歸坐閣思
予說

送吳辯叔知鞏縣

言爲西邑宰本是洛陽人送駟往歸魏迎車來入
秦山川成鞏固陵廟壯威神好學河陽政栽花作
縣春

當世家觀畫

冰蠶吐絲織織紈妙娥貌入玉輕邯鄲曲眉淺臉
鵝髮盤白角瑩薄垂肩冠銅青羅衫日月團紅裙

撮暈朝霞乾手中把筆書小字字字以通情形以觀
形隨畫去能長好歲歲年年應不老相逢熟識眼
生春重伴忘憂作萱草

送韓愈判玉汝還南京持質太極表

天子甘泉祀歡聲浹九圍綠章馳騎入朱服佩魚
歸賦雪上宥席買髮更舞衣清池無限鴈莫道信
音稀

宛陵先生文集卷第四十九

宛陵先生文集目錄卷第五十

桃花源詩

永村席上分題

永叔白兔

直宿廣文舍下

送中道倅廣平

送宋端明知成都

戲作嫦娥責

送李涇州二首

送景純使北

送馬司諫使北

重賦白兔

王祁公北園

觀盤車圖

寄許越州

永叔請賦車螯

寄題郢州白雪樓

和永村荅原甫

平山堂留題

卷五十一
目錄一
卷五十一
目録終
江學士寄酥梨

江學士寄酥梨

谷原甫寄糟薑

銅雀硯

歐陽諸公見過

示胡人下程圖

送李太保知儀州

劉元忠遺金橘

原叔宅觀山水圖

送廖倚歸衡山

目錄終

宛陵先生文集卷第五十

桃花源詩 并序

嘉祐元年予在京師邂逅與都官自外郎張侯顯
遇于書肆中張語往時相識於唐俞家今二十三
年矣因各言出處張曰實居武陵武陵舊迹可具
道始時陶潛爲記與詩其後往往賦詠不絕君之
仲父昔嘗有作聞君能詩多爲公卿大夫諷誦願
得一章夸咤遠土亦當買石刊置崑下旣重其意
許其錄勿時所爲五言歸閱故藁則頗不愜心遂
別爲一章以塞張侯之請

鹿爲馬龍爲蛇鳳皇避羅麟避宜天下逃難不知
數入海居品皆是家武陵源中深隱人共將鷄犬
栽桃花花開記春不記歲金椎自劫博浪沙亦殊
商顏采芝草唯與少長親胡麻豈意異時漁者入
各各因問人間賒秦已非秦孰爲漢矣論魏晉如
剖瓜英雄滅盡有石闕智惠屏去無年華俗骨思
歸一相送慎勿與世言雲霞出洞泂溪夢寐覺物
景都失同迴棧心寄草樹欲復往山幽水亂尋無
涯

永叔席上分韻送裴如晦得黠字

霜華夜夜濃冰米日日減行過忍遲離懷不須
黯遠輕吳江潮乃見丈夫膽君意應洗然吾方困
塵襟

永叔白兔

可笑嫦娥不了事走却玉兔來人間分寸不落獵
犬口滁州野叟獲以還霜毛茸茸目睛殷紅條金
練相繫撥馳獻舊守作異玩况乃已在蓬萊山月
中辛勤莫搗藥桂傍杵臼今應閑我欲拔毛爲白
筆研朱寫詩破公顏

直宿廣文舍下

前夜宿廣文葉響竹打雪昨夜宿廣文窓影竹照
月賴此數竿竹與我為煖熱上有寒鶻棲去足如
瘦巖平明欲飛去喑喑若告說我無喜可報煩爾
弄嘴舌亦嘗苦老鷓鳴噪每切切為學本為道窮
蹙令素髮但能得酒飲終日自兀兀

送宋中道太博倅廣平

行役無冬春車馬無南北急若機上梭離別腸自
織其間走聲利晝夜不能息晚得二友生胸覬吐
五色各思強祿仕安肯坐仰食一之毛遂卿一之
太伯國豈無穎脫才可邁古風力明富障大河去

路指斗極誰念平原君能於衆中識

裴如晦時亦宰吳江

送宋端明知成都

其兄相國新鎮河陽

人亦不愛爾

伯仲俱邦棟朝廷倚以隆出為周九牧入是漢三公
歲易星辰轉天均雨露同威聲滿河北事業出
山東賊壓臨邛馬文高益部雄英靈當自伏教化
已先通轂騎花川隘壺漿錦里空道途來筆馬都
邑貴耶筒刀夢殊祥後鋒車急占中春江湏愛賞
花鳳在梧桐

戲作嫦娥責

我昨既賦白兔詩笑他嫦娥誠自癡正值十月十

五夜月開冰團上東籬畢星在傍如張羅固謂走
失應無疑不意常娥早覺怒使令烏鵲繞樹枝啾
噪言語誰可辨徘徊赴寢寒寒帷又將清光射我
腹但覺軫粟生枯皮乃夢女子下天來五色雲擁
端容儀雕瓊刻肪肌骨秀聲音柔響揚雙眉以理
責我我為聽何擬玉兔為凡卑百獸皆有偶然白
神靈獨冒由所推裴生亦有如此作專意見責心
未夷遂去裴生少年爾譎弄溫軟在酒卮爾身屈
強一片鐵安得妄許成怪竒翰林主人亦不愛爾
說爾猶自惜知不知叩頭再謝沈已去起看月向

西南垂

送李涇州審言

占章乘一障不過提千兵今握數萬衆獨自制名
城諸將俯聽命莫敢輒吐聲堂下選驥裏帳中圖
崢嶸山川在目虜寇來必平誰人識謝艾只是
一書生

漢家舊日回中路天子新除太守行牙將握刀趨
遠驛羗人下馬拜高旌雲間白草開邊隴山上朱
樓墜郡城勇脫區區簿書內壯心應欲請長纓

送刁景純學士使北

嘗聞朔北寒尤甚已見黃河可過車駟騎駸駸持
漢節邊風慘慘聽胡笳朝供酪粥冰生椀夜卧毡
廬月照沙侍女新傳教坊曲歸來偷賞上林花

送馬仲途司諫使北

每道龍鱗司諫諍又持旄節使陰山貂裘不見風
霜勁鴈磧遙知道路艱冰膾芥藟非焚味玉茗蘭
苗說燕頰單于不敢輕中國名馬新調為送還

重賦白兔

水叔云諸君所作皆以常娥月宮為說頗
非老
耳見以他意別作一篇庶幾高出羣類

毛氏穎出中山中衣白兔褐求文公文公嘗為穎

作傳使穎名字存無窮徧走五嶽都不逢乃至瑯
琊聞醉翁醉翁傳是昌黎之後身文章節行一以
同除入喜其就籠繼遂與提携來自東見公於鉅
鼇之峯正草命令辭如虹筆秃頭脫冠以從赤身
謝德歸高蓬

王祁公北園

園林多高榭園卉多芳柔紅紫經幾春青枯在幾
秋我至每懷浮觴之卿翁但見浮觴之水汨汨流
水流日夜曾未休高門世世生賢侯不比平泉碑
缺花亦記又非家鳩嘯鳳凰樓洛陽城中亦有園

與宅常同歐陽翰林携酒遊竹間池館遺翠羽
分勞柳繫紫騮今嗟齒似舊屐作博士嘉趣只與
心相仇強騎瘦馬往城北二十三年如轉頭歸來
作此解且應主人求

觀楊之美盤車圖

谷口長松葉老瘦澗畔古樹身枯高土山慘澹遠
復遠坡路曲折盤車勞二車迎正轆接軫繼下三
車來崢嶸過橋已有一乘歇解牛離軛童可晒黃
衫烏巾驅舉鞭經險就易將及前轂輪傍側輻可
數蹄角挽錯捲箱聯古絲昏晦三尺絹畫此當是

展子虔坐中識別有公了意思往往疑魏賢子虔
與賢皆妙筆觀玩磨滅窮歲年塗丹抹青尚欺俗
早龍雨日猶賣錢是亦可以秘疑亦不可指為君
題卷尾願君世世傳

寄許越州

開元冠蓋裏無若賀知章乞得鏡湖水洗出明月
光行坐鏡與方身衣羽人裳心存黃庭經目視白
鳥行歲時忽已古高韻抗彭莊今聞許子春來守
稽山傍稽山風月在鏡水菰蒲長臘市開梅萼囊
雪凌早芳卧龍生茗舌鼓角催新陽焙造可以啜

樹間可以觴賀老於當日必定無此嘗唯存李白
詩酒船芙蓉香安得効白也賸載借餘鯨與君同
醉翁智慮收肝腸

永林請賦車螯

素脣紫錦背漿味壓甜菜海客穿海沙拾貯寒潮
退王都有美醞此物實當對相去三千里貴力致
以配翰林文章宗炙鮮尤所愛旋坵旋沾飲酒船
如落埭殊非片人宜肥羊蝦鱸塊

寄題郢州白雪樓

楚之襄王問於宋玉王時對以郢中歌歌為白雪

陽春曲始唱千人和再唱百人逐至此和者絕數
人乃知高調難隨俗後來感槩起危樓足接浮雲
聲出屋中古客應無怙悵鯤魚孟諸宿樓傾復構
春又春酒馮瑠璃烹錦鱗青山繞欄看不盡眼穿
盪槩石城人去知何在寒花雨斂自生嘆今聞太
守新深棟試選清咳可動塵

和永叔答劉原甫遊平山堂寄

黃土坡陀岡頂寺青烟暮歷浙西山半荒樵牧舊
城下一月陰晴連嶼間人指廢興都莫問眼看今
古總輪閑劉郎寄詠公酬處夜對金鑾步羣車還

平山堂留題

蜀岡莽蒼臨大邦雄雄太守駐旌幢相基樹楹氣
勢危千山飛影橫過江峯嶠俯仰如奔降雷堂波
小鷄鵝雙陸羽井苔粘瓦缸煎鑪瀉鼎聲淙淙雨
牙鳥爪不易得碾雪恨無居士龐已見宣城謝公
陋吟看遠岫通高窓

答張子卿秀才

公武

茫茫九土中天網該時秀有鳳不收羅有麟不獲
狩賢豪為咨嗟都邑誦瓊琇而我當是時欲見恨
未遑忽過廣平居遇子乃邂逅懷中二新篇幸出

洗昏瞶一美韓公才雖生一語南方冠鏗然青琅

玕交憂風雨驟輒用告衆多亦未甚便售固知至
珍物不入市井買昨朝驚馬嘶鳴始悟子來扣鉅編
高貯襟細卷仍函袖麻衣踏屣靴再拜謹以授因
之重感愴世德實有舊文體古為徒家聲喜能又
其間贊愚辭愧累將恐諾磨拂李杜光誠與日月
闕退之心伏降安得此孤陋豈能造春榮豈鮮易
星宿一身猶寒飢生未飽藜豆高高河漢流肯下
饋前漱蟲魚儻無施捉撮不乖縲聊此慰窮愁文
章終莫就庭前枯石榴寒雀並清晝道遙獨詠歌

寄翼與報訓

江隣幾學士寄酥梨

興平京瓊乳咸陽摘冰枝秦女點山日張公開谷
時刻破玉漿壺泛融金酒卮適從閩中寄不見博
士卑

答劉原甫寄糟薑

名國萬家城千畦等封侯劇當燕去前醃牙費糟
丘無筋偃王笑有味三閭羞寄入翰林席聖以不
撤優又寄蓬門下作賦誰肯休唯我廣文舍免為
蓬鹽仇劉公漢家爾才學歆向儔曾懷飽經史辨
論出九州曾不奉權貴但與故人投贈幸非贈甘
此意當自求

銅雀硯

歌舞人已死臺殿棟已傾舊基生黑棘古瓦埋深
耕玉質先骨朽松棟為埃輕築緊風雨剝埏和鈿
膏精不作鴛鴦飛乃有料斗情磨失沙礫粗扣知
金石聲初求賦畝下遂廁几席清入用固為貴論
古莫與并端溪割紫雲空負世上名韓著毛穎傳
何獨稱陶泓儻以較歲年泓當視如兄

歐陽永叔王原叔二翰林韓子華吳長文

二舍人同過弊廬值出不及見
十二月七日
枯竹為門扉不可容車騎況如鄭廣文無種藉資
位窮冬月破七貴客聯玉轡傳騶肅里閭下榻字
童稚問我何所往共留墻上字兒愚不知誰金章
言照地既屈卿大夫恨莫親帚箕星躔回已高議
趾寧復至戢戢鄰巷居相見竊自喟豈料瘦老翁
能令賢達至昔時蓬蒿徑安有此盛事

元忠示胡人下程圖

單于獵罷卧錦紅解鞍休騎荒磧中蒼駒駟駱六
十匹隱谷映坡分尾鬣九馳五牛羊頗倍沙草晚
牧生寒風貴賤小大指五百執作意態皆不同二
鷹在臂二鷹架駿大當對寧爭功檀廬鼎列帳幙
擁鼓角未吹驚寒鴻土山高高置烽燧毛囊貯獲
閑刀弓水泉在側挹其上長河杳杳流無窮素紉
六幅筆何巧胡瓌盡妙誰能通今日都城有別識
別識共許劉元忠

送李太保知儀州

出塞開牙帳論兵啓玉鉉漢泉思白馬秦冢弔蒙
恬族本西山大聲從渭北兼相如嘗學劔文士亦
何嫌

劉元忠遺金橘

南方生美果且體橘包微韌彈有輕薄楚萍知是
非甘香奉華俎咀嚼破明瓊欲換蓬壺腹盈匱忽
我歸

王原叔內翰宅觀山水圖

石蒼蒼連峭峯大山峩峩雲霧中老松瘦樹無筆
蹤巧奪造化何能窮古絹脆裂再粘續氣象一似
高高嵩上有荆浩字特歸翰林公願換廷圭一丸
墨誰言賣錢湏青銅范寬到老學未足李成但得
平遠工黃金白璧未為寶文人師臣無不通

送廖倚歸衡山

倚來為其兄求集序於歐陽永叔

雌猿夜啼別湘東曉尋故人背孤桐孤桐有聲彈
不響弦絕曲在埋蒿蓬知音萬古期必逢今日已
聞天下雄陟山涉水不辭遠文章大名居禁中扣
門一見顏色喜抱琴三歎含微宮九疇不汨微禹
力堯舜豈無明與聰推根致本墮意合叙述況值
太史公買金得玉莫忘寶却過洞庭乘初風猿休
啼月月色好還來舊山伴狙翁

武陵先生文集目錄卷第五十一

莫登樓

莫飲酒

和末叔內翰

和末叔思兔憶鶴

和末叔勤飲

和公儀憶小鶴

再和公儀龍圖

莫登樓

莫飲酒

和末叔內翰

和末叔思兔憶鶴

和末叔勤飲

和公儀憶小鶴

再和公儀龍圖

放鵝

又和

上元登省東樓

自和

和公儀戲勉

和端叟農具十三首

和蠶具十五首

史供奉群鶴

和谷達觀見寄

還吳舍人詩卷

沈文通遺溫柑

武陵先生文集目錄卷第五十一

二月五日雪

感李花

嘗茶和公儀

琴高魚和公儀

和公儀小桃花

春末叔威答

文獻

再答公儀

文獻

再答公儀

文獻

再答公儀

文獻

再答公儀

文獻

再答公儀

文獻

再答公儀

文獻

再答公儀

宛陵先生文集卷第五十一

出莊集還吳長文舍人詩卷

松液化茯苓又因為琥珀遇物必得形毛髮曾不
隔君子亦豹變其文蔚可觀个者逢吳侯滿腹貯
經籍噴吐五色霓自堪垂典冊詩教始二南皆著
賢聖跡後世竟翦裁破碎隨刀尺我輩強追倣畫
龍成蜥蜴有唐文最盛韓伏甫與白甫白無不包
甄陶咸所索侯初守二郡山水多助益升高鵬嘉
賓賦筆速鷹翻葺書成大軸許我觀琮璧真物固
易辨恨無百金易借從懷袖歸誦玩廢朝夕譬如

遊國都傲况失阡陌苦吟三十年所獲唯巾箱豈
比夸受降甲齊熊耳積重見元和風珠玉敵海舶
自慙寒餓為何張空避席

和正月六日沈文通學士遺温柑

禹書貢厥包未知黃柑美競傳洞庭熟又莫永嘉
比適觀隱侯詩獲此殊可喜誦句擘露囊香甘冷
爨齒明朝鑠禮闈何暇醉隣里

史供奉羣鶴

出珥銀貂侍太清迴看雙鶴舞中庭翩翩曾是仙
人驥兩兩尚儀君子形靜夜歌還巖嶺月終朝思

唳太湖萍莫將樹上雞相並曾待歸飛向杳冥

雪竇達觀禪師見寄依韻答

巖竇常留雪山雪不有心禪衣百衲重香刹四明
深馴鹿來啣果栽松去作林自緣冠絃累未解遠

公尋

和孫端叟寺丞農具十三首

田廬

結廬野田中其高足以規坐卧劣自容築樓未嘗
歛但能風雨蔽何惜茅蓬苦終當收穫畢寂寞
懸心山店

颶扇

田扇非團扇每來場圃見因風吹糠粒編竹破筠
箭任從高下手不為暄寒變去塵而得精持之莫
肯倦

樓種

農人力已勤要在布嘉種手持高斗柄嘴瀉三犁
寵月下叱黃犢原邊過廢家安知俠少年玉食金
羈擁

無芥

適從伐枯桑莫悟刀已缺豈工向欲追田事不可

徹丁丁背谷聲役役持柯熱積薪高於山焉用
先後別

耒耜

古聖通物宜揉斲資粒食稼穡盡民勤墾耕窮
地力推化本神農維時思后稷我老欲歸田茲器已
先識

錢鏹

詩稱序錢鏹南畝興農作寧唯務芟薙豈不在
刈穫收功尚嘉穀託用隨芒屨太平茲所重坐見
銷鋒鏹

耨鋤

蕪穢或不治良苗安得長
薈耒露未晞荷去月初
上侵煙濕搗頸近笑翻蟻壤生具自有餘何醉汗
沾顙

襖

上襖與下襖青糞苦能織
曉披春雨來晚照陽披
側蔽身常自足衝濕曾為得
任夜野風吹已敵寒
蓬色

臺笠

力田冒風雨維維為臺笠
寒葉相與用陰野低
迷入足履固易濡鬢葆何嘗
溫斯須未可去赫日
實乃急

水車

既如車輪轉又若川虹飲
能移霖雨功自致耒苗
稔土傾成下流損少以益
甚漢陰抱甕人此理未
可諗

田漏

瓦罌貯筴流滴作耘田漏
不為陰晴惑用識旱
暮候辛勤無侵星簡易在
白晝同功以為準一決
不可又

耘鼓

挂鼓大樹枝將以一耘籽逢逢遠遠近汨汨來田
里功既由此興餉亦從此始固殊調猿猴歌取兒
童喜

牧笛

牧人樂下牧背騎吹短笛聲穿吳雲低韻入楚梅
的誰嗟苦調急自與幽意寂應同堯時民歌將土
壤擊

和孫端叟蠶具十五首

繭館

漢儀后親蠶採桑來繭館雲母飾車上鉤籠載車
畔援條露已乾受葉日將晏為言天下婦茲事不
可慢

織室

常聞漢皇后織室數來觀宮女豈不勤帝衷得以
完亦將成纁黃非用竟龍鸞意在奉宗廟後人
其可安

桑原

原上種良桑桑下種茂麥雉雉麥秀時蠶眠葉休
摘空條漏日多餘樵更誰惜會待黃落來酒壚燒

斗石

高几

桑柔不倚梯摘桑賴高几每於得葉易曾靡憂枝
披躋陞類拾級下上異緣蟻閑置草屋傍鳴雞或
棲止

科斧

科桑持野斧乳濕新磨刃繁枿一去除肥條更豐
潤魯葉大如掌吳羅食若駸始時人謂戕利倍今
乃信

桑鉤

長鉤扳桑枝枝間挂桑籠南陌露氣寒東方日光
動少婦首且笄幼女角已懸覽以採葉婦曾非事

梳櫛

三月

采采向桑郊盈盈自持筥挂鉤帶月往稚葉和煙
貯一心恐蠶飢搔首促儔侶到家傾嫩綠刀几為
咬咀

蠶女

自從蠶蟻生日日憂蠶冷草室常自温雲髻未暇
整但采原上桑不顧門前杏辛苦得絲多輸官官

莫省

蠶簇

水蠶三眠休作繭當具簇漢北取蓬蒿江南藉茅竹蒿棘無鬱浥竹淨亦森束竟畏風雨寒露置未如屋

蠶槌

三月將掃蠶蠶妾具其器丘植先得持音拈碎室亦塗墜眾材踈以成多薄所得寄終老歸簇時應無慙弃置

蠶薄

河上緯蕭人女歸又織蕭相與為蠶曲還殊作筠篋入用此何多往售獲能幾願豈天下求不歎貧服亦

蠶登

朝漬二登繭繰就幾絢絲成繭已盡登亦誰復持道上有墮籠車傍有鳴夷二物且莫笑顧藉客因時

紡車

蠶月必紡績然車方挑擗燈下絡緯鳴林端河漢白織縷自有緒虛輪運無跡脫手已為勞誰經用

刀尺

龍梭

絡絡機上梭，往反如度日。一經復一絲，成寸遂成匹。虛腹斂兩端，素手投未出。陶家挂壁間，雷雨龍龜出。

織婦

織婦手不停，心與日月速。常憂里胥來，不待雞黍熟。但言督縣官，立要斷機軸。誰知公侯家，賜帛堆

滿屋

遠元從主人登尚書省東樓

閣園前臨萬歲山，燭照街火夜珠還。高樓迥出星

辰裏，曲蓋遙瞻紫翠間。轆轤車聲碾明月，參差蓮

焰覓紅顏。誰教言語如鸚鵡，便著金籠密鎖關。

自和

沉水香焚金博山，杜陵誰復與車還。馬尋綺陌知

何曲，人在珠簾第幾間。法部樂聲長滿耳，上樽醇

味易醲顏。更貧更賤皆能樂，十二重門不上關。

又和

康莊咫尺有千山，欲問紫姑應已還。人似常娥來

陌上，燈如明月在雲間。車頭小女雙垂髻，簾裏新

粧一破顏。却下玉梯難已唱，謾言齊客解偷閑。

和公儀龍圖戲

五公雄筆廟其間
魏似丘陵擬泰山
豈意來朝飯
穎向忙中唯此是偷閑

再和公儀龍圖

千重海浪漁人醉
百戰沙場野叟閑
豈向鬧中遂
得靜乃知朝市即青山

放鵝

獸烹羊猪鳥烹鴨
雞唯鵝不殺置奴而獲
公坐堂上見而悲
悽急令開笈還故樓
其間無力飛不齊
公只知魚之洋洋
鸞之鸞鸞意子意子

莫登樓

莫登樓脚力雖健
勞雙眸下見紛紛
馬與牛馬鞍轡
牛服輒露臺歌吹
聲不休腰鼓百面
紅臂襍先打六么
後梁州柵簾夾道
多大柔鮮衣壯僕
犍毳虬寶揭呵叱
倚玉俠夸妍闔艷
目已偷天寒酒
醺誰爾俯倚檻心
往形獨留有此光
景無能遊粉署深
沉空翠情青綾被
冷風颼颼懷抱既
如此何須望樓頭

莫飲酒

莫飲酒酒豈讎
顏回不飲不白頭
千種穉帝堯百

觚號聖仁定國數石無滯留康成三百盃未休阮
籍作詩語更道聖賢在前誰與謀秩乾古強須潤
柔照見文字勝膏油

依韻和永叔勸飲酒首六吟詩雜言

我生無所嗜唯嗜酒與詩一日舍此心腸悲名存
貴大不輒思甌空釜冷不飽眉妻擊凍飢數志之
但自吟醉與世違此外萬事皆莫知王公謁請衆
去早既衰愈懶身到遲日高倦僕顏色沮况騎瘦
馬兩耳垂獸此勞苦不喜出唯恐有文字時能為諸
公尚恐為智慮勤勤飲首六我早再拜受公言竊

意公矯時只愛詩謂余癡

和永叔內翰

來時擊價正探官走馬傳家夾路看便鑠青春辭
上閭徒知白日近長安思歸已有夢同誰說強意題
詩只自寬猶喜共量天下士亦勝東野亦勝韓

和公儀龍圖憶小鶴

聞憶華亭雙鶴鶴蒼毛未變頂微朱閑情且與稽
梁飽寄語休將雞鷄區丁令再歸移歲月王褒端
為約僮奴主人必欲看雙鶴舞太液池寬肯放無
和永叔內翰思白魚各憶鶴雜言

醉翁在東堂為他栽桂樹待將枝條與人折憶着
家中玉色兔夜者明月海上來先移離離入庭戶
且問嫦娥一借丸翁家雖有來無路嫦娥對面幾
萬里不聲漸漸西南去是時翁生懷抱惡却恨陸
機先憶鶴致令亦念眼迷離不似傍池能飲啄始
憂兔飢僅失哺又恐白毛塵土汗仍不如鶴有淺
泉自在引吭時刷羽花前舉翅鼓春風只待翁歸
向朝暮我聞二公趣向殊一養月中物一養華亭
雞一畏奔海窟一畏巢松林我雖老夫無物感欲
去東家有舞姝

和永叔內翰戲答

從他舞姝笑我老笑終是喜不是惡固勝兔子固
勝鶴四蹄撲握長啄啄任看色與月光温只欲走
飛情意薄拘之以籠縻以索必不似纖腰夸婢約
主人既賢豪能使賓客樂便歸膏面染髭鬚從
今宴會應頻數

二月五日雪

二月狂風雪寒威曉更加省闈輕如粉苑樹暗添
花有夢皆蝴蝶逢袍只紵麻凍吟誰料我相與賭

流霞

聞永叔謂子華曰明日
俞若無詩備輸一盃酒

和公儀龍圖小桃花

三分春色一分休始見桃花着樹頭
霰雪斗來如約勒為公留作上林遊

感李花 二月九日

重門雖鎖春風入先折桃花後李花赤白鬪妍思
舊曲舊聲傳在五王家五王不見留華萼華萼壞
未碑缺落當時李白歌騎鯨醉向江南曾不錯

琴高魚和公儀

大魚人騎上天去留得小鱗未按觴吾物吾鄉不
須念大官常膳有肥羊

掌茶和公儀

都藍携具向都堂碾破雲團北焙香湯嫩水輕花
不散口甘神爽味偏長莫夸李白仙人掌且作盧
仝走筆章亦欲清風生兩腋從教吹去月輪傍

宛陵先生文集目錄卷第五十二

和永叔看竹

較藝呈禹玉

再和

和禹玉答永叔

和禹玉贈永叔

和永叔戲答持燭

重答和永叔

又依韻

和荅永叔海棠

春雨呈主文

謝鵬和公儀

較藝將畢和禹玉

和公儀送白鵬

書事和韓子華

明經試大義

和永叔出省有日

和禹玉定號

和永叔寄張桂州

觀中樂書大字

同求叔和酬張溥

上馬和公儀

杜太師挽詞

送方云下第

送張待制知越州

送甥蔡駟下第

送唐紫微知蘇臺

韓持國遺洛筍

萊宣遺酒

送王寺丞睢陽幙

韓玉汝遺油

王幾道遺古瓦硯

送咸陽王主簿

和諸公觀予石榴花

送史供奉

呂晉忠遺新茶

送畢甥臨印簿

和公儀觀舞及畫

目錄終

宛陵先生文集卷第五十二

刑部廳看竹劾孟郊體和永叔用其韻

蒼蒼庭中竹事莫歎遲速不同欄下草一歲一迴

綠朝開花照曜暮落風相逐何如飽霜雪冬夏森

寒玉誰將種官舍本合近巖屋不可一日無蕭洒

看未足阮生豈其愚林中醉醪醑我當明月時移

床來此宿

較藝和王禹玉內翰

分庭春拜士傾心却下朱簾絕語言白蟻戰來春

日暖五星明處夜堂添力地頑石方逢玉盡接寒

沙始見金淡墨榜名何日出清明池苑可能尋

再和

廉纖小雨破花寒野雀爭巢出作回手卷白雲光
引素吉飛明月響傾盤群公錦繡爲腸胃獨我塵
埃滿肺肝強應小詩無氣味猶慙白髮厠郎官

謝永叔答述舊之作和禹玉

天下才名罕有雙今逢陸海與潘江筆生造化多
多辨聲滿華夷一一降金帶紫袍迴禁署翠娥持
燭侍吟窓人間榮貴無如此誰愛區區擁節幢

較藝贈永叔和禹玉

今看座主與門生事事相同舉世榮並直禁林司
詔令又來西省選豪英飛龍借馬天邊下光祿供
醪月底傾食葉蟻聲句偏美當時曾記賦將成

戲荅持燭之句依韻和永叔

盧仝只有赤脚婢吏部曾吟似笑仝紅燭射眸從
結客清歌帖耳苦憐翁歸時雖已過寒食芳物猶
能逐暖風但點紗籠續清夜西園遊興古何窮

重荅

我家唯有
取玩更休窮

又依韻

多病相如不復云，更何曾有卓文君。他時我向會稽去，只是荆釵與布裙。

刑部廳海棠見贈依韻答永叔二首

搖搖牆頭花，蔭蔭有好色。高枝笑粲粲，低枝明皦皦。但與風相撩，不與風相得。風吹莫苦急，游子歎日昊。彭祖與顏回，相去猶瞬息。每觀形影篇，曷在神所釋。不可廢我吟，畢竟焉免白。

搖搖牆頭花，一一如舞娥。春風買艷逸，艷逸此何多。不爲游蜂撓，卽爲狂蝶過。日光苦給給，魯叟白

波波人生若朝菌，不飲奈老何。揚雄寂寞居，豈若阮生歌。

春雨呈主文

蛟龍上漢魚，潛動梁棟生。雲鸞未知風，點稍聞寒瓦。急玉條初向，畫簷垂何郎。夜聽應逢句，謝眺朝觀必有詩。老大莫將文字困，爲公牽強不勝疲。

謝鵬和公儀

聞有白鵬夢，遂作白鵬詩。詩記白鵬語，意公於鶴私。公意無薄厚，爾將聽我辭。朝給一瓢水，晝給一盞糜。曾不令爾渴，曾不令爾飢。事事不異鶴，安得

於鶴疑鶴鳴爾不和鶴舞爾不隨無以一供悅飽
食者頑癡公所念爾久李白當畜之白固有篇詠
公偶未暇爲遣爾心不平謂此鈍見遺我持爾此
意請公吟莫遲公便納我言濡筆洒淋漓書爾在
南方野羽霜雪披弄啄紅豆實飛上枕擲枝翡翠
不敢顧孔雀不敢窺將擬是白鳳脩尾畫連漪
而頸而雞首我我如有儀而今與鶴爭此識固已卑
公初待爾厚鵬兮知不知

較藝將畢和禹玉

窓前高樹有棲鵲記取明朝飛向東家在望春門
外住身居華省信難通夜聞相府催張榜曉聽都
堂議奏中龍閣鳳池人漸隔猶因朝謁望螭宮

送白鵬與永叔依韻和公儀

致鵬猶恐鵬飢渴細織筠籠小瓦缸玉兔精神憐
已久金鑿人物世無雙休爭白鶴臨清沼且伴鳴
雞向綠窓美羽奇毛有多少爾身高穩勝他邦

書事和韓子華舍人

見憑蝴蝶過牆飛却夢翩然入綺闈欲撲翅輕縈
不住覺時疑有粉沾衣

明經試大義多不通有感依韻和范景仁

舍人

明經與進士皆欲取公卿自是俗儒陋非於吾道
輕昔由羔鴈聘今乃草萊并不措一辭去綠何祿
代耕

出省有日書事和永叔

辭家綵勝人爲日歸路梨花雨合晴庭下鞦韆應
未拆籠中鸚鵡即聞聲千門走馬將看榜廣市吹
簫尚賣餠已是瓊林芳卉晚不須遊處避門生

定號依韻和禹玉

言出君門日遙聞紫禁鐘詔書中使降駿馬上閑

供天下持平手毫偏不置習文從有司較卷是近
臣封勝陣無容敵精兵已善攻明朝當奏号駕鸞
看歸雛

寄桂州張諫議和永叔

桂林太守幾時行泛汴桃花浪已騰目極雲陰低
遠樹夜寒風急亂春燈巢鳴翡翠愁無限水宿鴛
鴦冷不勝陽朔山前好峯嶺爲公憐愛萬千層

觀張中樂書大字

芝旭馳名世有孫大書如曉過秋原長松怪柏皆
成炭豫氏觀傍不解吞

張淳叟獻詩永叔同永叔和之

張君獻詩詩詞巧美女插花嬌醉春公荅七言夸
荀竒我無千里學騏驎夜吟謝眺澄江練露濕陶
潛漉酒巾歸去應將錦囊貯已勝珠玉莫愁貧

上馬和公儀

煙火千門曉欲開五花驕馬肯徘徊井間已是經
時隔親舊全如遠別來帝闕重看多氣象天街新
霽少塵埃振冠浣服無容久便見池門放勝催

太師杜公挽詞五首

國佐三公進師臣一品歸接賓志素貴還綬遠危

機憶奉追尊册當觀副輅旂生榮人莫及無恨掩

泉扉

慶曆中改謚章聖五后公奉州乘副玉輅出宣德門

既老仍開國因歸得賜金念懷知主意堅介見臣

心筆扎尚存紙性情猶託吟向來門下客東首淚

盈襟

前歲因侍講王內翰歸省其兄於睢陽上賜公金

莫怪露襟血無由作弔賓故池歸去鴈春信見何

人已寫虛堂影猶鑄守家麟門生與舊吏將立道

傍珉

言為當代法行不古人慙天子貴元老史官傳美
談名高漢亞相學嗣晉征南有子即家寶未嘗金

王貧

見錄尋常詠親裝復手題言從永嘉後重與建安
齊自古難知己孤生每擇棲春風寄黃鳥為向墓

間啼

去歲同在相部中講公
公出手裝僕詩一軸

送方云秀才下第

從來釣者意豈不在得魚餌寡魚口多曾非投竿
踈向登百金貴首尾必吹噓竭澤古所戒但保腹
中書風雷變有時且復歸孟豬

泉

送張待制知越州

滄海東邊會稽郡朱輪遠下相臣家已同雲漢星

庭轉不與鑑湖風月賒越箭抽萌供羨茹秦山堆
翠照高牙買臣嚴助前時貴破盜論功未足誇

送甥蔡駟下第還廣平

爾持金錯刀不入鵝眼貫已遭俗弃擲妾意堪憤
愧他時有識別終必為寶玩懷之歸河朔慎勿輒
鎔鍛改作毛遂錐穎腕奚足筭

送唐紫微知蘇臺

洞庭五月水生寒盧橘楊梅已滿盤秦伯廟前看
走馬闔閭城下見驂鸞吳娃結束迎新守府吏趨
銷拜上官曾過揚州能慣否劉郎盞底勸須寬

韓持國遺洛筍

龍孫春吐一尺牙紫錦包玉離泥沙金刀確錯截
嫩節銅馳不與大梁賒持寄韓郎經滿束莫令衛
女苦思家韓郎才調偏能賦分餉唯思楚景差因
之善謔誦淇奧欲學報投無木瓜

萊宣遺酒

白日對芳樹靜夜愛明月我飲雖不多孟杓安可
關破屋有空缸冷竈無黔突投餐聞韓辱乞食使
陶訥鑿此不求人終身其鏤骨儻有佳客過未免
貫袍笏風從東南來語向西北發西北多鳳雛枝

間報清越玉壺盛曉露贈酒醉莫歌却少可飲人
為告月休沒

送王正卿寺丞赴睢陽幙

廢園孝王國離宮天子都古今雖且異文物未嘗
無族有栽槐美名從得桂殊應聞漢丞相待士倒
樽壺

韓王汝遺油

朝讀百紙書夜成幾篇書明明白晝有陽烏黝黝
暗室無蟾蜍目睛須藉外物光日月不到卑鄙居
君能置以滑油壺願照文字燈焰舒婦將膏髮雲

鬢梳餅底濁濃留脂車所益既如此所感當何如
王幾道罷磁州遣澄泥古瓦二硯

澄泥叢臺泥瓦斷鄰宮瓦共為几按用相與筆墨
假賦無左思作書魏右軍寫初從故人來來自邯
鄲下物因人以重謬當好事者

送咸陽主簿王秘校

昔見蘭叢牙今見連蔓瓜持入咸陽市本出故侯
家五色相鉤帶秦人應自誇行當七月薦乞巧雜
盤花

和楚屯田同曾子固陸子履觀予堂前石

榴花

堂下一匹鄭虔馬欄邊兩株安石榴但能有酒邀
佳客亦任狂花落素甌俗女紅裙無好色主人白
髮自侵頭欲歌翠樹芳條曲已去洛陽三十秋

送史供奉汴口都大

河為中國患亦為中國利其患蓄堤防其利通糧
饋分流入浚汴萬貨都城萃積滯或暴漲早曠或
滯寔疏導欲其宜經度有所異曩者多邀功用之
殊未至十私而五公歲久害愈熾潰溢必歸尤廟
堂難決議明明聖天子自選中常侍銀璫挿在貂

身小勇且智上從廣武城下及淮與泗迴險帖鑿
繁所畫由所寄嘗以勤厥身又能和衆吏前日有
盡心于今病憔悴此職方藉人加餐當自爲

呂晉叔著作遺新茶

四葉及王游共家原坂嶺歲摘建溪春爭先取晴
景大窠有壯液所發必竒穎一朝團焙成價與黃
金逞呂侯得鄉人分贈我已幸其贈幾何多六色
十五餅每餅包青蒟紅籤纏素綵屑之雲雪輕啜
已神魄惺會待嘉客來消談當畫求

送畢甥之臨印士簿雜言

自我歷官三十年有脚未曾行蜀川李白嘗言道
之艱險長嗟難劇上青天鳥悲猿嚎馬蹄脫苔梯
雨棧愁傾顛蒼崖下窺不見底但聽雷聲輟石懸
湍濺曉盤青泥上高煙暮盤青泥到下泉劔閣如
劔巉然割腸刺恨今古連爾去三千九百里巴山
小馬烏皮鞵一婦一奚行李單家具日貨能幾錢
人皆畏避不敢往此獨敢往何所便況是初宦無
遠適心意自許非由銓異乎哉我今送爾徒哀憐
依韻和公儀龍圖招諸公觀舞及畫三首
落花淨掃青陰長野蝶閑飛綠草閒侍從退來看

鶴舞便將樽酒欲招閑
陰森園圃墻東地携挈兒童樹下吟更約天邊鳳
皇侶閑書觀畫味尤深
初約看花花已盡重新邀客客應歡真花既不能
長艷畫在霜紈更好看

宛陵先生文集卷第五十二

宛陵先生文集目錄卷第五十三

送王介甫知毗陵

送曾子固蘇軾

送建倅沈太博

送王平甫擬離騷

送僧遊廬山

持國再遺竹筍

送僧惠思

送魯王太博挽詞

蘇明允木山

哀國子黃助教

沈江李氏書室

張寺丞改葬挽詞

讀黃節推卷

得陳天常斑竹

送余少卿知睦州

夜直廣文寄子固

重送曾子固

寄題江州齊雲樓

雲間月

和梅龍圖觀小錄

送鮮于秘丞除侍

和閩職方暴雨

三 雙月

縉叔邀寄永嘉僧

二 和景彝馬上見槐花

送家靜知洛南

和景彝省中孤竹

永叔遺李氏新鴨脚

子履示秦篆寶

送王屋知縣孫秘丞

聽文都知吹簫

雜言送王無咎及第

目錄終

宛陵先生文集卷第五十三

送王介甫知毗陵

吳牛常畏熱吳田常畏枯有樹不蔭犢有水不滋
稠孰知事春農但知急秋租太守追縣官堂上怒
奮鬚縣官促里長堂下鞭扑俱不體天子仁不恤
黔首逋借問彼為政一一何所殊今君請郡去預
喜民將蘇每觀二十石結束辭國都絲鞵加錦緣
銀勒以金塗兵吏擁後隊劍搨盛前驅君又不若
此革轡障泥烏款行問風俗低意騎更駑下情靡
不達略細舉其麤曾肯為眾異亦罔為世趨學詩

聞已熟愛棠理豈無

送曾子固蘇軾

屈宋出於楚王馬出於蜀荀揚亦二國自接大儒
躅各去百數年高下非近局鈎陳豹尾科登俊何
炳縛楚蜀得曾蘇超然皆絕足父子兄弟間光輝
自聯屬古何相遼闊今何相邇續朝廷有巨公講
索無遺錄正如唐虞時元凱同啓沃何言五百載
此論不可告二君從茲歸名價同驚俗

送建州通判沈太博

昔聞醉翁吟是沈夫子所作今聽醉翁吟是沈夫

子所彈聲如水澌下石灘嚼留碎玉遶齒寒四坐
整衣容色端醉翁雖醉無慢官其音正以樂其俗
便且安何害醑酌顏渥丹沈夫子邂逅相遇必已
歡玉琴能寫人肺腑人所為難君不難平明解船
建谿去輕賣快意不長湍谿東白茗象月團來奉
至尊龍屈盤餘為帶銜與齧片散在六合雲漫漫
況君五臟清如水宜飲沆瀣采木欄更留瓦硯贈
我看鄴宮鴛鴦誰刻剜

送王平甫擬離騷

識君兮不早君尚少兮我老蘭與蕙兮多薰塞雜

佩兮芳芬蘭修往兮蕙隨心俯仰兮徘徊與識吳
兮吳樂嘗適楚兮楚悅君何爲兮我閱麒麟繫兮
不馳鳳皇蔽兮挑達均莫悲兮別離悵公子兮何
之絕大江兮無波奉赤鯉兮藉荷芰菴荇兮陳羹
親意得兮忘榮世反是兮從貴聊送君兮傷情

送僧遊廬山

欲遊廬山去將託楚舸梢暮行長河曲月上黃公
坳悠悠幾千里身世非繫絕恣觀瀑布虹不畏潯
陽蛟誦經東林下小字結香茅

韓持國再遺洛中斑竹筍

牡丹開盡桃花紅班筍迸林犀角豐兩株遠寄川
上鴻韓郎輟口贈楚翁便令剝錦煮荆玉甘脆不
道簞瓢空小謝舊城昭亭下侵天篔簹西東塘
娘生後出牙茁羅列滿地爭強雄是時楚翁所食
寡朝飯暮飯唯其充今來得此謂過分一貴一賤
物苟同

送僧惠思

大車高馬塵塞軌弄石洗泉人不喜慨然擺落還
吳都歸心勁於弦上矢強弩發復開矢往不可迴
常應笑鸞子時能海邊來

送曾王太博挽詞三首

射策志何遠
閨中人共疑
莫觴朋友去
泣血毋兄
悲霧氣窓間
盡車聲戶外
知玉樓成作記
此語可
能欺

自昔稱王謝
于今亦盛門
尚看珠樹秀
應見玉麟
存書史辛勤
學文章若死
論都然莫施
設恨向九
原吞

試問於天下
誰從百歲心
短長從所盡
禍福乃相
尋只以名賓
實郝論古至
今未能忘物
境空復歎
人琴

蘇明允木山

空山枯楠大
蔽牛霹靂夜
落魚鳧洲魚
鳧水射幾
千秋蠹肌爛
隨沙蕩流唯
存堅骨蛟龍
鏃形如三
山中雄酋左
右兩峯相挾
翊尊奉君長
無慢尤蘇
夫子見之驚
且異買於溪
叟憑貂裘因
嗟大不為
梁棟又歎殘
不為薪樵雨
侵蘚澁得石
瘦宜與夫
子歸隱立

京國子黃助教

儒者務欲博
誦說窮冬秋
衣裾未及解
含珠以見
求聞稱黃夫
子常恐學不
流有徒如浮
萍匝匝圍

剗舟聚書將萬卷載行無馬牛去年來京師滿篋
分寄授半在吳楚間半入趙衛陬昨日大官薦青
袍變緜裘今朝為異物寸祿與命離獨聞邯鄲公
哀之使斂收曷其稟賦薄安得被王侯旅殯欲焉
託定將葬何州生為四方遊死當不擇丘豈必歸
故鄉萬里過山頭

沅江李氏書堂

船從洞庭來非賈即遊宦宦賈事風樯誰能樂清
晏不如蓄書史萬古無與間上觀堯舜仁下覽魏
晉篡善惡被旣殊智巧徒以辨君心於此得用捨

不自慢堂中羅高厨戶外望鳴鴈菰葦可采掇魚
鼈可釣汕卒歲身多餘世俗莫習慣

張堯夫寺丞改葬挽詞三首

洛陽交舊裏過半已凋殘在昔義投漆最先悲闔
棺誰知二紀水重卜九原安聞說塞門路白楊風
更寒

當時嗟遽沒二子未能言頽歲折丹桂買塋遷陸
渾重銘太史筆不替故人恩為善有終慶此焉天
意存

舊墳為潤齧新塚得山深新木來荒路移松出近

卷五十三
冬黃鸝啼棘上玉女問泉音
強作挽人唱
儻知哀
感心

讀黃節推卷

磊落黃從事清吟古氣多少年
知任俠欲老解登科
辨起公卿坐時爲慷慨歌
又持珠玉贈將奈老貧何

得陳天常屯田斑節竹二枚

客初西蜀來遺我雙節竹
上有紅淚斑斷非湘娥
哭嘗聞帝魂哀豪血滴草
未春靈瀉更鮮殷痕侵
粉綠裁爲扶衰杖萬里出
洛谷空乘入我手君勤

意有囑區區四十年重趼生兩足
冠卅三男子且與詩書讀翁雖文章窮尚以字遮目
忍弃不以教
携歸事樵牧故茲九節贈用助老
追逐楊朱非爲岐賈誼非爲鵬
及其悲慟時豈不沾盈掬揮之儻
着物無迹深林麓因持此竹紋勿
歎前人獨

送余少卿知睦州

青山峽裏桐廬郡七里灘頭太守船
雲霧未開藏宿鳥坡原將近見
燒田養茶摘藥新春後種橘收
包小雪前民事蕭條官政簡家書
時問雪溪邊日暮愁夜直廣文有
感寄曾子固

日暮蛛絲動月暗螢火明方茲步庭戶浩然懷友
生友生將東歸泛若赴海鯨已從龍門出不慕朱
鼈輕朱鼈過吳洲飛飛就東瀛沉浮未可問名有
萬里程須愛小水魴勞勞將尾頰

重送曾子固

蔡澤多年一卧龍新春雷雨起鱗蹤誰知天上爭
騰躍偶落池中雜發喁且自摧藏隨浪去何當駕
馭使雲從劉果只說古來有暫屈沈蟠莫便慵

寄題沈比部江州齊雲樓

遠目不高不可極朱樓要與浮雲齊江流萬古平

浹莽山雨一過寒淒迷費客檣下望吹笛漁郎浦
前看斷霓飲飛射蛟水花伏高士種柳煙條低群
鴈有時至自北洪潮到此不更西君家隱侯有八
詠風雅未盡留人題

雲間月

明明雲間月皎皎莫可指雄鳥與牡兔萬歲不生
子三旬後乃合徒用戌甲癸焉見下土物長養各
私已虵蝎滿窟隙嗣毒自未已天地豈有意盛德
名不死

依韻和梅龍圖觀小錄

四百鸞皇羽翼成高低輕重出權衡他時俱作公
卿去誇是王家門下生

送鮮于秘丞通判黔州

壺頭山下俗巴婦曲中聽汲井熬鹽白燒田種穀
青巖風來虎嘯江雨過龍腥事簡能談者楊雄所
草經

依韻閩中孚職方暴雨幸涼

天津赫日欲焦拆西北風來斗滅威太帝宮庭無
暑入大明冠佩退朝歸泠泠襲瑠璃簾弈弈涼
翻翡翠帟交扇不須煩素手淋漓誰復汗頻揮

愛月

終夜每愛月見月常苦稀不雨即雲晦何能藉光
輝儻有一夕明豈畏露濕衣素娥領玉兔孤寡命
亦微堂堂罕開耀多是半掩扉曾負萬家望空似
隨人歸一歲復一歲白髮思釣磯

呂綱叔云未嘉僧希用隱居能談史漢書

講說邀余寄之

奈苑談經者蘭臺著作稱吾儒不兼習爾學若多
能每愛前峯好閑穿弊屐登定將修史筆添傳入
高僧

依韻和王景彝馬上忽見槐花

六月御溝馳道間青槐花上夏雲山退朝側帽驚
時晚近樹聞香暗詠閑新雨買生車喜出舊年潘
岳鬢添班老慙太學無經術空飽藿鹽強往還

送家靜寺丞知洛南

秦愛商於地信美洛水南銀鈿與丹砂鑿山民爭
貪蜀客善製錦當先務桑蠶衣老以及少使煦如
春酣摘蔬有荀蔴釣庖有巖潭頗同故鄉味將喜
獲所詣

和王景彝省中詠孤竹

愛此孤生竹碧葉琅玕柯結根甘泉裏豈必泰山阿
曾莫學夷然徒以附女蘿風為掃庭戶夜月誰與
過

永叔內翰遺李太博家新生鴨脚

北人見鴨脚南人見胡桃識內不識外疑若橡栗
韜鴨脚類綠李其名因葉高吾鄉宣城郡每以此
為勞種樹三十年結子防山獠剥核手無膚持置
宮省曹今喜生都下薦酒墜葡萄初聞帝苑夸又
復主第褒纍纍誰採掇玉椀上金鼈金鼈文章宗
分贈我已叨豈無異鄉感感此微物遭一世走塵

士鬢顛得霜毛

陸子履示秦篆寶

其文曰二十六年皇帝盡并兼天下諸侯黔首大安

號為皇帝乃詔丞相趙主法度
量則不一嫌疑者皆明一之

秦既并諸侯斯乃一度量鑄寶以求傳萬世泯勿
喪精銅不生花小篆著丞相一沒咸陽宮千秋事
更王陸君居洛城客有來渭上曰因農人耕發壤
破古藏遂獲此物還文完字何壯始號為皇帝立
語已超曠意將愚黔首覺起危博浪其後同玉璽
不隨驪山葬今蓄於君家徒爾資奇尚物以用為
珍異時皆似妄

王屋高送王屋知縣孫秘丞

王屋山高無猿猴下有黃河水滔滔天壇半夜見
海白光動古邑雞先鳴雞先鳴絕吹熬巖居林樞
吏莫搔山膚有時得虞獵不比彘肉烹連毛聞君
今去將効陶縣前種柳芟蓬蒿不問公田問民俗
民安事簡教兒曹河南太守喜愷怡如此可以無
猷勞

聽文都知吹簫

晏虞部畫

虞舜已去蒼梧野秦女驂鸞無復下簫管人間不
解傳帝樂部中能亦寡欲買小驥試教之教坊供

奉誰知者晏識文公始致來勸接賤生宜強且乃
呼側坐吹一曲驚顧頰嘶堂下馬吾妻閨中聞不
聞稚女扳簾笑嬌妣未敢多聽便遣還贈飲單盃
向身瀉

雜言送王無咎及第後授江都尉先歸建昌
白袍來黃綬迴來跨蹇驢迴跨馬麻源三谷桂花
開江都作尉入風埃主人劉向西京才心如明月
無不照恐君已到還鸞臺

宛陵先生文集卷第五十三

宛陵先生文集目錄卷第五十四

和王景彝憶秋

永叔七夕遺新酒

和永叔見寄

文豹篇贈黃介夫

送京西王提刑

送陸學士宿州倅

得君謨書并茶

三舍人見訪

送吉老兩浙提刑

永叔見訪

送石舍人還蜀拜掃

送劉學士還南京

送潤倅李屯田

寄題儀州書齋

哭孫明復

程文簡公挽詞

送蜀倅李殿丞

聞永叔廣文直

和公儀新居栽竹 贈陳京西郎中

送董著作知北海縣 送王學士知池州

讀永叔集古錄目 和永叔秋日郊行

送王學士使虜 哭王職方

和楊直講九日有感 王侍講原叔挽詞

送公儀龍圖知杭州 和夾竹花圖

送李端明知河中府 和永叔西齋植菊

和丁學士城東飲

目錄終

宛陵先生文集卷第五十四

依韻和王景彝憶秋

隴首欲看飛去雲 槎頭安得卷輕輪 流烏不轉西

邊日 乘馬猶知果下人 空渴魏臺冰在井 從悲楚

客淚綠巾炎炎赫日偏 憎老眼耳昏聾半塞塵

七夕永叔內翰遺鄭州新酒 言值內直不

暇相邀

詰朝持鄭醞 向夕望星津 信意願添巧 古心思變

淳予窮少陵 老公似謫仙人 獨對金鸞月 宮詞付

小臣

依韻和宋叔父在病告近方赴直道懷見
寄二章

浴堂深殿近皇居秋夕詞臣直宿初
宮女穿針爭落月官奴持燭看殘書
萬家乞巧心無盡斜漢飛光望有餘
枕上江山夢猶熟五更寒雨過簾疎
玉響瓏瓏出絳宮青槐馳道曉煙中
塵頭尚裏洗車兩馬耳前趨吹鬣風
聞說自將身許國不須仍以醉為公
我今才薄都無用六十棲棲未數窮

文豹篇贈黃介夫

壯哉南山豹不畏白額虎澤霧毛雖雜
鼯鼠朝將具鬚暮為乳文章子雲久已許
還笑大夫費五殺天子伏中儀勿舉尾
與旂常願者取

送韓欽聖學士京西提刑

王朝慎常刑恐民陷非辟分命遣使車
謬枉得舉摘蕪之勸農桑欲野無曠隙
韓侯夙所志功利豈止百茫茫唐鄧間
荒土無牛跡邵閔廢未久柘陽仍舊白
二地倘復營萬世不可易昔在漢家時
近親多占籍苟或非膏腴當應徙畿赤
每念輒歎嗟未能俾盡畫天將富斯民
事與願不隔其易謂何如拾芥由瓊珀
我今送韓侯書以贈無責

送陸子復上通山涇州

雷雨初過草木新
汗久場一綠陰
勻已看畫舸逐
流水不惜長條折
與人以傳鱗
整美郡齋涼
愛蟻醅醇
睢南室歸來問鬼神

得福州蔡君言家子書并茶

薛老大字留山峯
百尺倒插非人踪
其下長樂太守書
矯然變恠神淵龍
薛老誰何果有意
千古乃與竒筆逢
太守姓出東漢邕
名齊晉魏王與鍾
尺題寄我憐衰翁
刮青茗籠藤纏封
紙中七十有一字
丹砂鐵顆攢芙蓉
光照陋室恐飛去
鑱以漆篋

緘重重茶開片鱗
碾葉白亭午一啜
驅昏慵顏生枕肱
飲瓢水韓子飯菴
居辟雍雖窮且老
不媿昔遠荷好事紆
情悰

韓子華吳長文石昌言三舍人見訪

當時載酒客共過
草玄人今日一寒
士能來三侍臣竹
門容犬馬金絡照
諸隣鷄瘦莫為具
阮家依舊貧

送吉老學士兩浙提刑

重本恤刑天子聖
舟車持詔使臣賢
部中漢吏無冤獄
葑上吳人益美田
重過故鄉逢故老
一聞鳴

鶴記山川不須歌管唯詩酒況有餘杭白樂天

求叔內翰見訪

七月二十六日

內相能來顧為郎樂有餘兒童垂拂榻門巷客
車掩扇知秋意窺牆省舊書經年三枉駕未與故
人踈

送石昌言舍人還蜀拜掃

紫微星宿何煌煌掖垣華閣上相當舍人亦與泰
階近兩兩聯裾如鴈行其間飛星入王壘天子賜
告歸故鄉錦鞵金轡照樣去文園渴令難可望楊
雄位甲綬執戟豈有爵祿多文章石公官顯職且

貴還家展墓酌椒漿太守趨塵里人避岷山松柏
風淒涼椎牛行酒與耆舊耆舊醉歸呼此郎公置
名分共其樂敦厚世俗時陶唐郎呼只作曩日視
安知鏘玉侍明光歸來却向鳳池直詔言一出稱
廟堂廟堂蕭曹不草草潤色鼓動辭琅琅耆頭蓬
萊便可到蜀人更賀烹猪羊

送劉元忠學士還南京

昔見相公登瀛洲今見公子為校讎鯢鵬變化三
千載我生安得不白頭君前拜恩父前慶暫向南
都乘順流南都留守頗為喜將吏入賀靴聲道酒

與銀瓮羊鬻炙上下和煦移涼秋歸來却上柳堤
路西風健馬控花虬

送潤州通判李屯田

過江始與風沙隔京口山連北固牢刺史丰儀於
體重邦人全伏此名高宴盤紫蟹方多味古寺青
林不獸邀定挈傳家舊圖籍漕河應莫費吳艘

寄題知儀州太保蒲中書齋

中條挿遠近黃河瀉直斜蒲坂之城在其涯渠渠
碧瓦十萬家官商工農共擾擾侯獨理齋窓照紗
侯方守邊聽胡笳滿屋蓄書凡幾車他年不接清

商樂亦莫學種東陵瓜老繫戰馬向庭下厨架整
妮齊籤牙朝聞鳴鷄夕聞鷓鴣眼昏秋匣生銅花兒
孫誦習且盈耳客來休論常山蛇

哭孫明復殿丞三首

魯國先生歿夷門吉士哀因讒君席速時賻帝恩
該寂寞蒿宮啓悠揚蓋旒迴昔賢皆不免松下作
寒灰

舊業居東岱中年謁此庭要塗無往跡至死守殘
經詔許求遺藁朋隣與葬銘世人無怪我涕淚為
之零

自古春秋學皆知不可過生前恩禮少歿後薦章
多妻子將焉託田園有幾何汶陽秋樹裏黃鳥護
聽歌

程文簡公挽詞三首

嘗預巖廊政終為社稷臣作藩安舊俗飲酒得賢
人葬禮鏡蕭咽明儀幣馬陳泉堂一經掩原上只
麒麟

將相榮難及唐虞世已遭名將官愈大節固位同
高哀悼王朝輟鐫埋史筆操空山伊水外松栢冷
蕭騷

關塞秋雲冷伊川苦霧陰薤歌金鐸碎蒿里石宮
深燃漆為長夜栽松作茂林空留舊冠劍家廟四
時心

送李殿丞通判蜀州

嘗聞蜀國海棠盛因送李侯宜有詩日愛西湖照
空錦醉看春雨洗燕脂郡無公事中國樂民喜群
邀匝樹窺望帝鳥啼空有血相如人恨不同時晨
鮮深淺非由漆解賦才華未得知聞說趙高今已
老試教圖畫兩三枝

八月十夜廣文直闈求叔內當

聞向蓬萊宿蒼峯第幾層秋聲暗葉雨殘夢空
堂燈推枕感孤鴈抽琴彈壞陵誰知廣文直挑簞
冷於冰非由衆輔規下筆未許吟開爲鼓高吟
題別謝和公儀龍圖新居栽竹二首別不同却景
八月竹根移夏雨逢陰便向阮家求請公靜聽蕭
蕭葉斗變江南一夜秋
都城有地誰栽竹只見寒樗與老槐聞種琅玕向
新第翠光秋影上屏來

贈京西陳熙中

忽枉乘輅車鏘然鄉音金轡駐軫與我言琅琅有深
意乃知故相家事業已不墜信哉渥洼種千里可
立致顯祖實令君名聲取高位伯叔與懿考聯榮
重當世于今多昆孫朱紫紛曳地勉勉崇令德蘇
李何難至

送董著作知北海縣

君嘗佑王屬議平天下刑出宰得古邑農鋤多帝
經素琴伴飲酒紉繹生訟庭舉首望海鴈高懷在
青冥

送王微之學士知池州

秋江渺然生寒潮北風吹帆上青霄旗脚舒舒戰

紅鬃旗心閃閃交皂鷓橋下徒兒發金鏡屋上鸞
僮鳴紫簫岸傍舟人望且拜溪口直入當高譙正
聞鼓角波動搖齊山舞翠挹蒼髯郭西猛虎夜莫
入太守號令如怒颺長戈椿爾喉長刀斷爾腰牙
兵將吏無敢囂新威烈烈野火燒

讀永泚集古錄目

古史書不足磨璞鑄美辭周宣石鼓文已缺秦政
嶧山字苦隳西漢都無半畫在黃初而上猶得窺
下及隋唐莫可數奇言偉迹恐所遺信都力粘大
小軸集十為秩仍第之隨目證訛甲癸推青編是
非皆究知有益於古今不疑碑雖滅絕事弗移後
人覽錄尚若披信都用意無窮期天灰地燼乃終
畢信都信都名愈出

依韻和永泚秋日東城郊行

郊原物老莽然中寓興驅車向國東夾道名園迷
屈曲壓枝秋實亂青紅寒畦覆綠將收菜野蝶雙
飛尚繞叢田父欣來問行幸依稀還似鬪鷄翁

送王景彞學士使虜

持節共知過碣石銜蘆相背有飛鴻地寒狐腋着
不暖沙闊馬蹄行未窮隴上牛羊衝密霰帳前徒

御立酸風歸時莫問程多少却到河湟杏萼紅

御立酸風歸時莫問程多少却到河湟杏萼紅

前罷邯鄲守孤高與世遠青雲舊知在白首故園

歸既沒無兒女元貧只帳帟平生洛陽友從此更

應稀

我今過五十萬事日消磨熟識世間寡故交泉下

多葉秋知易隕松耐竟如何嘗亦悲前哲荒墳野

鼠窠

得君音信近安穩在緱山不是國醫悞寧辭蜀道

艱終然有脩短猶免歷間關便作千秋別露襟涕

淚斑

君嘗入西川官雖抱病無由免侍闈於
蘇氏因血國醫以藥下之乘虛而卒

依韻和楊直講九日有感

也持黃菊藥時望白衣人首宿從來賦茱萸却乍

親護霜雲不散吹帽客何貧莫異悲搖落秋花更

勝春

王侍講原叔挽詞三首

衣冠今盛族蘭玉舊嘉聲博古無遺悞遭時有重

名竟興臨水發靈馬向郊鳴歸葬商丘外森森柏

已成

稽古逢堯舜鏘金侍冕旒生負尊鄭學子舍預夔

謀翰苑事猶著公宗魂已遊無情是天地玉樹掩
高丘

丹旆秋風急清笳曉月寒明衣衰草露素士挽桐
棺行哭實徒盛觀儀里巷殫空餘舊編在千載莫
能刊

送公儀龍圖知杭州

在昔漢中微我祖入吳門公今領名都千騎擁高
軒與古異出處素節古本原江觀白馬潮水花長
鯨奔山飄月桂子天香一國繁壯奇已若此纖侈
尚亦存舊聞其風俗色易而柔温太守朝駕車閭

巷焚蘭蓀太守暮還府燈燭照旗旛清歌延冠蓋
廣湖浮酒樽成都與餘杭天下莫比論彼為公故
鄉此為公偃藩吏民宜寡事愷悌有謠言

和楊直講夾竹花圖

桃花夫紅竹淨綠春風相間連溪谷花留蜂蝶竹
有禽三月江南看不足徐熙下筆能逼真重素畫
成纔六幅萼繁葉密有向背枝瘦節疎有直曲年
深粉剝見墨縱描寫工夫始驚悟從初李氏國破
亡圖書散入公侯族公侯三世多衰微竊買椹頭
由婢僕太學楊君固甚貧直緣識別爭來鬻朝質

綈袍暮質琴不憂明日鐫無粥裝成如得驪領珠
誰能更問龍牙軸竹真似竹桃似桃不待生春長
在目

送李端明知河中府

才業人終服聰明帝所聞來希段干木去識大馮
君金絡鳴津口朱旗點鴈群山河虞舊國簫鼓漢
橫汾古堞臨秋月高樓等白雲應同羊祜子綏帶
隔囂氛

依韻和永叔內翰西齋手植菊花過節

始開偶書見寄

晝惜日易沉夜惜月易曉重陽種菊花此意爾大
好所嗟時節晚又失澆培早開榮獨是遲造化徒
費巧霜前擁繁華籬下同隕槁微根發再綠復咲
王孫草莊生語鵬鷃樂不計大小能齊乃有餘但
恐知者少常愛阮嗣宗遇酒醉則倒杯中得賢趣
世上逐金裊

依韻和丁學士陪諸公城東飲

黃花秋草滿荒臺聯馬鳴珂未欲迴上苑自將馳
道隔高林空望白雲開薦肴已去紗籠暮賜醞
新從蟻甕來天氣正清風景好重門雖禁不辭

杯對醉樂來天涼五青風暑後重門擊柝

血點血林空野色蒼蒼風吹雲去秋聲

黃葉吹空萬木凋落野色蒼蒼風吹雲去秋聲

宛陵先生文集卷第五十四

宛陵先生文集卷第五十四

宛陵先生文集卷第五十四

宛陵先生文集卷第五十四

宛陵先生文集卷第五十四

宛陵先生文集卷第五十四

宛陵先生文集卷第五十四

